

JEHOFA-JIREH ¹

2 A re nong go fela re eme nakwana ge re inamiša dihlogo tša rena bakeng sa lentšu la thapelo. Ge re inamiša dihlogo tša rena, ke a makala bošegong bjo ke ba bakae ba tla ratago go gopolwa ka thapelong, o ne se sengwe pelong ya gago o nyakago Modimo a go direla, e no phagamišetša diatla tša gago godimo. Morena a fe dikgopelo tše bjale ge re inamiša dihlogo tša rena le dipelo tša rena pele ga Gagwe.

3 Tate wa rena wa Magodimong, re batamela Terone ya Gago ya Mogau gape, Leineng la Jesu Kriste, Morwa yo mogolo wa Modimo. Re a Go leboga bakeng sa monyetla go tla ka tiišetšo gore O tla kwa le go araba se re se kgopelago. Re a rapela, Tate, gore O tla swarela dibe tša rena, ke gore, gosedumele ga rena. Gomme, Tate, re a rapela gore O tla re fa tumelo, bontši bja tumelo bošegong bjo. Gomme O tseba se se bego se le ka morago ga seatla se sengwe le se sengwe fale, tlase ka pelong. Ba hlokile se sengwe, Morena. Ba emišitše seatla sa bona ka tlhomphokgolo, ba letile se sengwe go tšwa go Wena. Gomme ke a rapela, Tate wa Magodimong, e ka ba eng e bilego, gore e tla fiwa go batho.

4 Re a Go leboga bakeng sa ketelo mantšiboeng a go feta. Re a rapela gore O tla bowa go rena bošegong bjo ka maatla a mantši le mogau, gomme o tla re fa ditlhologelo tša pelo tša rena, ka gore, ka therešo tlhologelo ya rena ke go dira Thato ya Gago le go bona Thato ya Gago e dirwa. Gomme re tseba se Thato ya Gago e lego mabapi le balwetsi, gore O ntšhitšwe megogoma go kgabaganya mokokotlo wa Gago bakeng sa phodišo ya rena, “Ka megogoma ya Gagwe re fodišitšwe.” Gomme, Tate, re a rapela gore—gore Thato ya Gago ye kgolo e tla dirwa bošegong bjo, go re fa tumelo go dumela seo, ka bontši, gore motho yo mongwe le yo mongwe a babjago a ke a fole, gomme motho yo mongwe le yo mongwe yo a lahlegilego a nke a elelwe gore O gobaditšwe bakeng sa dikarogo tša rena. E fe, Morena.

5 A nke ba tsebe gore ge feela go na le se—se Sehlabelo sa madi Kua bakeng sa bona, dibe tša bona di ka se kgone go bonwa ke Modimo. Eupša ge ba ka hwa ntle le go ipolela phatlalatša Seo le go Se amogela, le go tswalwa gape, go ka se be tsela le gannyane go bona go tsoge ba tsene ka Mmušong. Gomme a nke bjo e be bošego bjo motho yo mongwe le yo mongwe go tšwa ka tlase ga Madi a ka no thelelela ka tlase ga Madi bošegong bjo, Leineng la Morena Jesu. Gomme re tla Go fa tumišo. Amene.

6 Monyetla wo mogolo kudu go ba mo bošegong bjo le go bolela gape. Gomme mantšiboeng a go feta re bile le nako ya go makatša bjalo, ketelo ya Morena. Eupša ke le swareletše thari kudu. Ga se ka tsoge ka e dira ka nako, ka mokgwa wo mongwe.

⁶ Mohuta wa go nyaka go ba le letšatši le lennyane bontši kudu lehono. Ke be ke . . . Morwa wa ka yo monnyane, Joseph, o bile ka morago ga ka go ya go thutha. Kafao lefelo moo re dulago le ne mogobe wo monnyane, mohuta wa go jaratelwa morago fale, gomme o rile, “Etla, mpogele, papa. Ke kgona go thutha.”

Ke rile, “Go lokile.”

⁷ Ke ile tlase fale mosong wo, ke tšere Beibele ya ka, le tše dingwe . . . go ngwala dinoutso tše dingwe. Gomme ge ke be ke ithuta, o . . . šo o tla a apere diaparo tše nnyane tša go thutha, o rile, “Mpogele, papa, ke kgona go phonkgela!” Gabotse, ge eba nkile ka bona segwagwa se taboga ka meetseng! Gomme o emeletše, gomme meetse a etšwa ka nkong le molomong wa gagwe, o rile, “Ke dirile bjang?”

Ke rile, “O dira gabotse.”

⁸ Gomme ke ile ka no nagana nkile ka bolela selo se se swanago go tate wa ka. Mogobe wo monnyane wa kgale, pele re fihla nokeng, fao go be go le mogobe, gomme rena digitlane re be re swanetše go tloša tegetege e tala go tloga go wona, gomme re be re tla . . . meetse a be a se ka godimo ga e ka ba diintšhi tše tshela go teba. Gomme ke tšwetšepele ke botša papa wa ka, “Ke kgona go thutha.”

⁹ Kafao Lamorena le lengwe morago ga sekgalela o sepeletše ntile fale. Gomme ba bile le lepokisi le lennyane le dutše fale. Gomme ke ile morago ka dikgweng le go hlobola diaparo tša ka thososo, se se bego se le gona go hlobolwa; go no goga konopi e tee, le a tseba. Gomme ke ba bakae ba kilego ba bona e tee boka yela? Ke a bona. Feela para ya dioborolo godimo, go se na le makhirisipane; go no ba le—le furu tše pedi go kgabaganya, bakeng sa seaparo sa go rutha, gomme ka gona feela konopi. E no goga konopi gomme, seo ke sohle o swanetšeego go se dira, go tabogela thwi ka gare. Gomme ka fao ka ya godimo ga lepokisi le gomme ka swara nko ya ka, le a tseba, gomme ka phonkgela ka go lela, gomme leraga la fofela bogodimo *bjoo*. Papa wa ka a dutše ka tlase fale, a mpogetše. Ke rile, “Ke dira bjang?”

¹⁰ O rile, “Tšwaa ka fao gomme o ye o hlapel!” Ke be ke nagana yeo e bile nako ye telele bjang!

¹¹ Gomme, le a tseba, nako e no tloga go rena, a ga e? Re no se be le nako, go lebega o ka re, gape, go dira dilo. Gomme nako ga e sa letetše yo motee. Kafao re swanetše go šoma ge re sa kgona, gobane iri e etla ge moloko wo o tla ya, gomme go tla ba moloko wo mongwe o tlago, ge go na le moloko wo mongwe. Ka therešo, ke e bolela ka pelo ya ka yohle, (ga ke tsebe O tla neng; ga a gona wa rena a dirago), eupša, ka therešo, ga ke dumele go tla ba moloko wo mongwe. Ke a dumela Kriste o tla tla ka go moloko wo. Ga ke tsebe nako mang, bjale, e ka no ba bošegong bjo goba e ka no ba mengwaga ye lesome go tloga bjale, goba masomepedi, eupša ke a dumela O tla ba ka go moloko wo. Ke dumela seo. Ge

A sa dire, ke nyaka go phela feela boka A bile, go le bjalo, gobane ke a tseba gore e ka no ba letšatši la ka la mafelelo, goba letšatši la gago la mafelelo.

¹² Gomme ka gona, elelwang, ge re eya pele A etla, re tla ba godimo le ka Bogoneng bja Gagwe, goba, re tsogile pele ga ge ba bangwe ba fetolwa. "Phalafala ya Morena e tla lla, ba ba hwetšego go Kriste ba tla tsoga pele. Ka gona rena ba re phelago le go šala re tla fetolwa ka nakwana, ka go panya ga leihlo, le go tšeelwa godimo mmogo le bona, go gahlanetša Morena ka moyeng." Lebelelang tshepedišo ya tsogo. Le a bona, Modimo o a tseba gore re hlogela go bona baratwa ba rena. Gomme ge re fihla kua go kopana le Yena pele, re be re lebeletše go tikologong go bona ge eba mme goba papa le ka moka ga bona ba be ba le kua. Eupša le bona ka fao, Moya wo Mokgethwa ka bohlale bja Gagwe? Re kopana seng sa rena pele, gomme ka gona ge re fihla kua le go opela *Mogau wa go Makatša*, moo ke ge go eya go ba nako ya go tumiša. Le nagana gore ke dira ka mokgwa wa go segiša bjale, ntlholeng godimo Kua! E ya go ba nako ya go makatša go nna le rena bohole ge re fihla Kua.

¹³ Bjale a re baleng tše dingwe go tšwa go Beibele ya kgale ya go šegofala fa bosegong bjo. A re phetleng godimo go Baroma, tema ya 4, gomme re bale feela karolo go tšwa go Puku ya Baroma. Ke nyaka go bala mafelo a mabedi bosegong bjo, go tšwa go Genesi le go tšwa go Puku ya Baroma. Bjale ka go Puku ya Baroma, tema ya 4, temana ya 17.

(Bjalo ka ge go ngwadilwe, Ke go dirile tatago ditšhaba tše dintši,) pele ga gagwe yo a mo dumetšego, yena Modimo, yo a phedišago bahu, gomme a bitša dilo tše di sego gona bjalo ka ge e ke di gona.

Yoo kgahlanong le kholofelo a dumetšego ka go kholofelo, gore a be tatago ditšhaba tše ntši; go ya ka seo se ngwadilwego, Kafao peu ya gago e tla ba bjalo.

Gomme a sa fokole tumelong, ga se a sema mmele wa gagwe mong bjale o hwile, ge a be a le e ka ba bogolo bja mengwaga ye lekgolo, ebile... go hwa ga popelo ya Sarah:

Yena ga se a thekesela go tshepišo ya Modimo ka gosedumele; eupša a tieletše tumelong, a e fa Modimo letago;

Gomme ka go kgodisega ka botlalo gore, se a se tshepišitšego, o be a kgona gape go se dira.

Gomme ka fao ya balelwga go yena go ba toko.

Bjale e be e se ya ngwalelwga bakeng sa gagwe a nnoši, gore e baletšwe yena;

Eupša go rena gape, go rena e tla balelwago, ge re dumela go yena yoo a tsošitšego Jesu Morena wa rena go tšwa bahung;

Yo a gafetšwego bakeng sa molato wa rena, gomme a tsošwa gape bakeng sa tokafatšo ya rena.

¹⁴ Oo, ke rata Seo bjang! Leo ke le lengwe la palo ya ka ya Lengwalo ya mmamoratwa ya Beibele, gobane e ne kgontha kudu se Modimo a bego a le, se A se tshepišitšego le go ena gore O tla se dira. Gomme bjale ke kgethile thuto ye ka lebaka la gore ke nagana gore ka kopanong e ka ba efe, go bona tumelo ye re e bonego e dirwa mo bošego bja go feta, gore e sego motho wa mofokodi magareng ga rena eupša yo a fodišitšwego. Se maatla a Modimo a tlidego le se A se dirilego! Ka gona ka gopola, ge re ka kgona go aga go dikologa selo se sengwe sa maleba, go dira phi—phi phihlelolo go nepo, gona go tla makatša bjang ge re be re ka kgona go betha bošego bjo bogolo goba iri ya sehloa.

¹⁵ Gomme re swanetše go elelwa gore ga go selo se ka kgonago go dirwa ntle le tumelo, gomme sa pele se swanetše go ipolelwa. Ka gore Yena ke—Yena ke Mothomi wa tumelo, re tseba seo, gomme gore ga go selo se ka kgonago go dirwa ntle le tumelo. Gomme ntle le tumelo ga go kgonege go thabiša Modimo.

¹⁶ Gomme bjale Yena ke Moprista yo Mogolo wa boipolelo bja rena. Bjale ki—ki King James fa, ka go Puku ya Bahebere, e e bea “boipolelo.” Go bolela le go ipolela ke selo se se swanago, go bolela le go ipolela. Go ipolela go ra “go bolela selo sa go swana”: “Ka megogoma ya Gagwe ke fodile,” le a bona, “Bjale ka Bophelo bja Gagwe ke pholositšwe.” Gomme bjale gona, sa pele, re swanetše go ipolela yona; gomme O dutše bjalo ka Mmoelanyi, gomme Mmoelanyi a nnoši gare ga Modimo le motho, gomme O dutše fale go dira poelano godimo ga se re ipolelago gore O se dirile. A sa—a sa go kgwagala, selo sa go tia se lego!

¹⁷ Gomme bjale ke nyaka go bala Lengwalo le lengwe, le hwetšwago godimo ka go Puku ya—ya Genesi, tema ya 22, gomme a re thomeng go bala fa e ka ba temana ya 7.

Gomme Isaka o boletše le Abraham tatagwe, gomme o rile, tate wa Ka: gomme o rile, Ke nna yo, morwa wa ka. Gomme o rile, Bona mollo le dikgong: eupša e kae kwana bakeng sa sehlabelo sa go tshungwa?

Gomme Abraham o rile, morwa wa Ka, Modimo o tla ineela yenamong kwana ya se sehlabelo sa go tshungwa: kafao ba sepetsē mmogo bobedi bja bona.

Gomme ba tlide go lefelo le Modimo a mmoditšego ka lona; gomme Abraham o agile aletara fao, gomme a bea dikgong ka lenaneo, gomme a tlema Isaka morwa wa gagwe, gomme a mmea godimo go—go aletara godimo ga dikgong.

Gomme Abraham o otlolotše seatla sa gagwe, gomme o tšere thipa go bolaya morwa wa gagwe.

Gomme morongwa wa MORENA o mmiditše go tšwa legodimong, gomme o rile, Abraham, Abraham: gomme o rile, Ke nna yo.

Gomme o rile, Se bee seatla sa gago godimo ga mohlankana, ga ešita o se mo dire selo: ka gore bjale Ke a tseba gore wena—gore wena o boifa Modimo, le go bona o... o sa nkgana ka morwa wa gago a nnoši go nna.

Gomme Abraham o phagamišitše mahlo a gagwe... gomme bonang ka morago ga gagwe kgapa e kgokilwe ka sekgweng ka dinaka: gomme Abraham o ile gomme a tsea kgapa, gomme a e neela godimo... godimo bakeng sa moneelo wa go tshungwa sebakeng sa morwa wa gagwe.

Gomme Abraham o biditše leina la lefelo, Jehofa-jireh: bjalo ka ge go bolelwa go fihla letšatši le, Mo thabeng ya MORENA e tla bonwa.

¹⁸ Se ke nyakago go se tsea sehlogo fale, ge se ka bitšwa thuto, *Jehofa-Jireh*, lentsu le ra gore “Morena o tla ineela sehlabeled ka Boyena.” Ge A se na le se tee, O kgona go fa se tee. Ke leboga seo kudu. Bjale thuto ye kgolo ye! Gomme bjale go baleng fale, gore “Abraham ga se a thekesela go tshepišo ka gosedumele; eupša o be a tieletše, a efa tumišo go Modimo.”

¹⁹ Bjale, Abraham e bile yena yoo Modimo a dirilego kgwerano le tshepišo go yena; gomme Abraham, e sego yena a nnoši, eupša Peu ya gagwe ka morago ga gagwe, “Abraham le Peu ya gagwe.” Gomme bjale elelwang se bjale. Ge re hwile ka go Kriste, re Peu ya Abraham ge re tswetšwe gape. Bjale, a re hlokomeleng ka kgonthe ka se bjale ge re ithuta thutwana ye. Gomme bjale ge le ka theetsa sekgauswi, ke na le nneta Moya wo Mokgethwa o tla utolla go lena. O tla swara kholofelo, gomme ka gona e tla gotetša toropokgolo ye le se sengwe le se sengwe go go dikologa, ge re no tsea nako ya rena le go swara kgopolu, se Moya wo Mokgethwa o lekago go se tliša go rena. Bjale, Abraham, o biditše, yoo a filego tshepišo, go Abraham le Peu ya gagwe.

²⁰ Bjale go na le bontši kudu lehono, bagwera, seo se bitšwago Bokriste, seo e sego Bokriste.

²¹ Bjale, ke no hloya go bolela se. Eupša bokaone ke eme fa le go tsebalega magareng ga batho, gomme—gomme yo mongwe le yo mongwe a go phaphatha magetleng a gago, le se sengwe le se sengwe boka seo. Eupša gona ke swanetše go kopana le seholpha sela mo Kahlolong, go fa lebaka bakeng sa yona. Kafao ke—ke no swanela go botega.

²² Bjale re ka lebelela godimo ga diphuthego, le godimo ga lefase lehono, godimo ga seo se bitšwago Bokriste, le go hwetša

gore se milione wa dimaele go tloga go Bokriste. Gomme se akanyeditšwepele ka Beibeleng go ba ka tsela yeo. Bjale ba bantsi ba amogela Kriste ka tsela ya go re, "Gabotse, ke a Mo dumela." Gobaneng, diabolo o dumela selo sa go swana. Le a bona? Gomme bontsi bja bona ba leka go e amogela godimo ga maikutlo, ba re, "Gabotse, ke boletše ka maleme. Ke binne ka Moya." Ke bone dingakabaloi ba dira selo sa go swana, le dibini tša diabolo ka Afrika; nnete, go bolela ka maleme, le go nwa madi go tšwa legateng la motho, le go bitša go diabolo. Mme wa ka ke Moindia, seripa sa Moindia, le—le batho ba gabon. Ke ba bone ba tšea phensele gomme ba e bea fase ka mokgwa *woo*, gomme šetšang phensele e kitima le go ngwala ka maleme a šele, bona ba ema fale le go e hlatholla, ba bitša diabolo. Kgonthe. Le a bona, o ka se kgone go ya ka maikutlo. Le a bona, bophelo bja gago bjo o bo phelago bo paka se o lego sona. Le a bona? Ga go kgathale ke mohuta ofe wa maikutlo, o ka se thee Bokriste go maikutlo e ka ba afe.

²³ Ke bophelo! Jesu o rile, "Le tla ba tseba ka kenywa ya bona." E sego ka boipolelo bja bona, e sego ka se ba se bolelag. Gomme Jesu gape o rile, "Le Mpata mela kgau swi ka dipounama tša lena, eupša pelo ya lena e kgole go tloga go Nna." Seo ke, seo ke boipolelo bja bona. Le a bona, bophelo bja gago bo bolela eng. Gomme ge motho a bolela gore o dumela Modimo, le go gana Lentšu le tee la Beibe ye, goba go E fetola ka tsela efe kapa efe, gobaneng e swanetše go ba phošo.

²⁴ O re, "Ga e dire phapano ye e itšego ka dilo tše dinnyane tše." Ka kgonthe e a dira.

²⁵ Lentšu le tee le lennyane ke se se re išitšego ka go bothata bjohle bjo; e sego go se Le dumele, eupša go no Le bea lefelong la go fošagala. Efa o nno ba le Sathane go mo foša, go no mo fa lebaka. Tlase ga Ngwanęšu Williams, ke sa tšwa go fetša go ya go kgabola seo tlase ka Santa Maria. Seo ke selo se se re tlišitšego go tšwa serapeng sa Edene, gomme se hlotše ngwana yo mongwe le yo mongwe wa go babja. Bjalo ka ge, ke rapeletše lesea le lennyane la go wa dihwahwa le robetše fale, dinakwana di se kae tša go feta, ke etla ka gare. Ke eng e hlotšego seo? Gobane Efa ga se nke a Le dumela, eupša o nno tšea lebaka, gore go tla ba go hlaologanya se se tla loka. Gomme go hlotše lehu le lengwe le le lengwe, bolwetši bjo bongwe le bjo bongwe, manyami a mangwe le a mangwe, bohloko bja pelo bjo bongwe le bjo bongwe. Gomme re ya go boela bjang morago ka gare? Ge se hlotše—ge se hlotše mengwaga ye dikete tše tshela ya se, re ya morago bjang ka e ka ba eng go fetwa ka Lentšu le lengwe le le lengwe le phethagatšego ka tsela ye Le ngwadilwego?

²⁶ Diabolo o thopile ntwa godimo ga moloko wa motho ka go fa mabaka le moloko wa motho. Go no fa mabaka, "Gobaneng, go a hlaologanyega se se tla ba? Go a hlaologanyega." Ge go fa mabaka go le kgahlanong le Lentšu, gona lebaka le fošagetše!

Lentšu le a rereša, feela ka tsela ye Le ngwadilwego! Le se ke la bea tlthatollo ye e itšego ya sephiri. E no Le bolela ka tsela ye Le ngwadilwego, le go Le dumela ka mokgwa woo. Le a bona? Modimo o Le hlokometše. Le no ba tlwa ka tsela ye Le swanetšego go ba, kafao a re nong go Le dumela ka tsela yeo.

²⁷ Bjale, ke Lentšu, Lentšu le lengwe le le lengwe! Le lengwe le le lengwe . . . Moya wo Mokgethwa ka go motho; lefoko le lengwe le le lengwe la Beibele, Moya wo Mokgethwa ka go wena o tla feleletša ka “amene,” gobane Moya wo Mokgethwa o ngwadile Beibele. Gomme ge A le ka go lena, A ka kgona bjang go re, “Gabotse, Leo e be e le la lebaka le lengwe, Leo e be e le la *le*, goba Leo e be e le la *lela*”? A ka kgona bjang go bolela seo gomme a ba Moya wo Mokgethwa ka go wena? A ka se kgone go e dira. O swanetše gore “amene” go Lona!

²⁸ Bjale, bjalo ka ge ke boletše letšatši le lengwe, selo sa pele Modimo a filego batho ba Gagwe, go ba maatlafatša, e be e le Lentšu. Gomme Yena ga se a tsoge a fetoga. Yena ga a kgone go fetoga. Bjale, dithutotumelo di ka se šome, dikerekemaina di ka se šome, thuto e ka se šome, ga go le setee sa dilo tše, se sengwe le se sengwe sa tšona ka go felela se paletšwe gomme se tla palelwa. Fao go Selo se tee feela se se tla šomago, seo ke Lentšu.

²⁹ Gomme tsela e tee e nnoši re ka kgonago go tla ka Lentšu, ke ka Madi. Lefelo le nnoši leo e ka ba mang a kilego a rapela Modimo, o ile a swanela go tla ka tlase ga Madi. Ga go na tokišetšo ye nngwe le gannyane. O ka se kgone go tla ka tlase ga leina la Methodist, o ka se kgone go tla ka tlase ga leina la Pentecost, o ka se kgone go tla ka tlase ga leina la Katoliki. Go na le ditasene tša dikereke tša Katoliki, go fapania, go fapania e tee go ye nngwe, Orthodox, le Segerike, le Roma, gomme di thubegile ka gampe bjalo ka Protestant. Maprotestant, Methodist, Baptist, Presbyterian, Lutheran, Katoliki, oo, ye nngwe le ye nngwe, tšohle ke mehuta ya go fapania. Gomme šebale, le a bona. Eupša go ne lefelo le tee bakeng sa kopanelo, leo le lego ka tlase ga Madi! Gomme Madi ke Bophelo, gomme ka mehla a tla dumelana le Lentšu, ka mehla le Lentšu.

³⁰ Bjale, re a tseba bophelo bo ka go bong bja monna, bo ka mading, haemoklopini. Go kgabola kua kgogotshadi e ka kgona go bea lee, eupša ge e se ya ke ya ba le nonyana ye tona, le ka se tsoge la phaphaša. Nnete, ga se la nona. Ke ka tsela yeo ke hweditšego, ke dirile ditatamente tše dintši tše šoro, ke bolela nonyana ya tshadi e ka beela sehlagaga se se tletšego mae, gomme a ka kgona go botega go ona ka fao a nyakago go ba, a ka kgona go a alamela, gomme ka diphego tša gagwe, le go a retolla metsotso ye mengwe le ye mengwe e sego mekae gore a be le nnete ya go phaphaša. Gomme—gomme o tla swarwa ke tlala kudu, le go ikona, ge a sa le sehlageng, go botega go mae ale, go fihla a šokiša kudu ga a kgone go fofa go tloga sehlageng. Ge a se a

ba le nonyana ye tona, le mae ale a nonne, a tla robala thwi ka sehlageng le go bola ge a be a se ne molekani. Seo ke tlwa.

³¹ Gomme ke ka tsela ye dikereke tša rena di fihlilego, go no tšeela ka gare seholpha ka tlase ga boipolelo bja go tonya bja go itlhophha, mmino tsoko wa sephiri goba maikutlo tsoko. Gomme ba dira eng? Gosedumele Lentšu, go fihla re hwetša feela sehlaga se tletše mae a go bola. Ke nako ya go hlwekiša sehlaga le go thoma godimo gape. Go fihla ba etla go kgomana le Monna, Kriste Jesu, gomme ba tswalwa gape ka Lentšu. Morago ba swanetše go phaphaša, gobane ke Bophelo.

³² Nako ye nngwe ya go feta ke be ke eja matena le mo—moreri wa kgale wa Methodist, gomme ke kwele Iri ya tša Temo go tšwa—go tšwa Louisville, 4-H Club o be a bolela, gore “Ba bile le motšene woo o kgonnego go bea thoro ya lehea feela boka ba medišitše ka tšhemong.” O rile, “O tla dira mohuta wa go swana wa magogo a lehea, mohuta wa go swana wa borotho bja lehea, e be e no ba lehea la go swana. E ripe ka mokgwa woo, e bee ka tlase ga seetša, e iše laborating; pelo ya yona e lefelong la maleba, le se sengwe le se sengwe, le boleng bja go swana bja monola, khalesiamo, photase, e ka ba eng e lego ka go lehea e robetše feela tlwa.” O rile, “Ge o ka tsoge wa tšea lehupa go tšwa go mokotla woo o bego o bjetswe ka tšhemong, le mokotla woo motšene o o dirago, goba o dirilego, le go di hlakanya, o ka se tsoge wa bolela phapano ka leihlo la gago la tlhago, goba go e aroganya, goba saense efe kapa efe e ka kgona go hwetša phapano. Tsela e nnoši o ka kgonago go bolela phapano e be e le go di phušetsa.” Seo se a e bolela.

³³ Monna a ka no lebega bjalo ka Mokriste, a ka no dira bjalo ka Mokriste, a ka no ekiša Mokriste. Eupša ntle le ge a na le tlhako ya Bophelo ka kua, a ka se kgone go tsoga gape; o swanetše go ba le tlhako yela ya Bophelo ka kua, go ba le Bophelo bjo Bosafelego.

³⁴ Gomme motho e ka ba mang yoo a ithutilego Segerike, o tseba gore “Gosafelego” go tšwa go lentšu Zoe, seo se ragu “Bophelo bja Modimo Mong,” seo se ba karolo ya Gagwe; bjalo ka ge o le karolo ya tatago. O ba karolo ya Modimo. Gomme Bophelo bja Modimo Mong bo arogane gomme bo beilwe ka go wena, gomme Bo ka se hwe, ka gore Bo ka Gosafelego. Eng kapa eng ye e thomago, e a fela; eupša Yena ga se a ke a thoma, ka fao Yena ga a kgone go fela. Yena ke wa ka Gosafelego, gomme o wa ka Gosafelego le Yena. O ka se kgone go hwa gape go feta A ka kgona go hwa, gobane o ba karolo ya Gagwe. O tswetšwe ke Yena. Amene. Nka no tšwelapele go bolela ka seo, gomme nka se tsoge ka fihla go thuto ye.

³⁵ Oo, ke thabile kudu go ba Mokriste! Nka—nka—nka—nka se rekiše mafelo le yo mongwe lefaseng, e segó dipresítente, dikgoši. Ge ba ka mpha lefase ka moka, ba rile nka kgona go phela

mengwaga ye milione; ka morago ga fao ke tla hwa, ka morago ga mengwaga ye milione. Eupša bjale, mengwaga ye milione, gobaneng, e ka se be selo bjale, re no tšwelapele re phela, ga go lehu. Kafao ke mo gogolo go ba Mokriste!

³⁶ Re be re bolela ka Abraham! A re yeng morago. Bjale re Peu ya Abraham ge re le ka go Kriste. Gomme gona ge o le Peu ya Abraham, o ne tumelo ya go swana yeo Abraham a bilego le yona, ka gore e be e le tumelo ya gagwe ye re bolelago ka yona. Gagolo ka kerekeng bjale, ke Peu ya bogoši ya Abraham. Fao go be go le dipeu tše pedi tša Abraham. Ye tee ya tšona e be e le ya tlhago, Isaka; ye nngwe ye Tee e be e le Kriste, tshepišo. Kafao ka Isaka, Israele e ile ya šegofala; ka Kriste, o bile tatago ditšhaba. Le a bona? Kafao Peu ya bogoši, yeo e tla ba bogolwane gakaakang go feta peu ya tlhago ya Abraham. Ka fao ge o le ka go Kriste, o na le Peu ya godimodimo, ya godimodimo go se Abraham a bego a le sona, ka baka la gore o tlide ka Peu ya bogoši, Kriste. Ge le hwile ka go Kriste, gona le bana ba Abraham, gomme le na le Peu ya Abraham le tumelo ya Abraham. Gomme tumelo ya Abraham e be e le ka go Lentšu la Modimo go sa kgathale se se diregilego. O biditše dilo tšela tše di bego di se gona o ka re di be di le gona, gobane Modimo o boletše bjalo. A tshepišo!

³⁷ Bjale a re yeng morago seripa se sennyane le go thea dikgopoloo tše rena. A re yeng morago go, pele re fihla go Jehofa-Jireh, go Abraham. A re yeng morago, re weleng morago gannyane ga nthatana ka Lengwalong. A re yeng morago go tema ya 12. Re bala fa ka go tema ya 22. A re yeng morago go tema ya 12, kgwerano e dirilwe go Abraham. Bjale, kgwerano, go bile tše tharo... dikgwerano tše pedi.

³⁸ Bjale, Modimo o phethagatšwa ka ditharo. Re tseba dipalo tše Modimo. Phethagalo, ka go tharo; thapelo, ka go šupa; le lesomepedi; le masomenne, ke teko; masometlhano, ke Megobo; le go ya pele, Modimo ka go dipalo tše Gagwe—tša Gagwe. Bjale, Modimo o phethagatšwa ka boraro; boka Tate, Morwa, Moya wo Mokgethwa; tokafatšo, tlhwekišo, kolobetšo ya Moya wo Mokgethwa; le go ya pele.

³⁹ Bjale, go bile le dikgwerano tše pedi. Ye nngwe ya tšona e be e le kgwerano ya Adama. Modimo o dirile kgwerano le monna, “Ge le ka rata, Ke tla dira.” Gomme o e robile. Ka gona Modimo o dirile kgwerano le Noage; yeo e be e le kgwerano ya Noage, gomme e ile ya robiwa.

⁴⁰ Bjale O dira kgwerano ya Abraham. Gomme kgwerano ya Abraham, go ya ka Genesi tema ya 12, e ile ya fiwa ntle le mabaka. Kagona ke ya Gosafelego, gobane ke ya go hloka mabaka. E sego “Ge le ka rata, Ke tla dira.” O rile, “Ke šetše! Ke šetše ke e dirile.” E sego “Ke tla e dira.” “Ke e dirile!” Yeo ke, oo, yeo, yeo e thea tumelo. Le a bona, e sego... Modimo o ikemišeditše go phološa motho. O dira kgwerano, “Ge le rata,

Ke tla dira,” o tla e roba. Yo mongwe, “O tla dira, Ke tla dira,” o e robile. Motho ga a kgone go boloka kgwerano ya gagwe, kafao Modimo o phološa motho ka mogau wa Gagwe, ka tlase ga kgwerano ye e sego ya mabaka, kgwerano ya go hloka mabaka. Oo, nna! Ga go tsoge gwa fela, e be e le sohle sa yona; tharo, go phethagala. Noage, Abraham, gomme ke ra... Aowa. Adama, Noage, le Abraham. Bjale, ke ka baka leo re lego bana ba Abraham, kgwerano yeo e ka se kgone go fela, e ka se tsoge ya fela, gobane ke ntle le mabaka. Ga se... Ga se ka gobane o dira se sengwe; ke ka gobane Modimo o dirile se sengwe! E sego ka gobane o kgethile Modimo; Modimo o go kgethile! A o dumela seo?

⁴¹ Batho ba re, “Oo, Ngwanešu Branham, ke nyakile Modimo gomme ke nyakile Modimo!” Gomme ga se wa ke! Ke hloya go go botša seo, eupša ga se wa ke. Modimo o go nyakile. E be e le Modimo a go nyakago.

⁴² Jesu o rile, “Ga se la Nkgetha; Ke le kgethile. Ga go motho a ka tlago go Nna ntle le ge Tate wa Ka a mo goga, gomme bohle Tate a Mphilego ba tla tla go Nna.” Bjale, le a bona, e be e se. Ga go motho a ka kgonago go itheta ka go e ka ba eng. Ke Modimo! Oo, go botse bjang go bona mo—mo mogau wa kgonthe wa Modimo, ka fao go lego!

⁴³ Le ka fao batho ba tšerego Molaetša wa mogau le go dira kgobogo go tšwa go Wona! Boka kereke ya ka ye bohlokwa le lena batho ba bohlokwa ba Baptist, ge le hlakahlakanya mogau ka mokgwa woo, ka kgonthe le o išitše ka tlakahlakanong.

⁴⁴ Yo mongwe o rile go nna e se kgale botelele, o rile, “Ngwanešu Branham, bjale o a tseba o be o le Mobaptist yo mokaone.”

Ke rile, “Ke sa ikwela seo, eupša ke sa tšo phagamela godimo godingwana gannyane.”

⁴⁵ O rile, “Gabotse, bjale lebelela,” o rile, “Abraham o dumetše Modimo, gomme e baletšwe yena bakeng sa toko. Ke bontši gakaakang Abraham a kgonnego go dira eupša go dumela?” Gomme o rile, “Ge re dumela Modimo, re amogela Moya wo Mokgethwa.”

⁴⁶ Ke rile, “Go fapano bjang le Mokgethwa Paulo! Mokgethwa Paulo o rile, ka go Ditiro 19, ‘A le amogetše Moya wo Mokgethwa ge e sa le le dumetše?’ E sego ge le dumetše; ‘ge e sa le’ le dumetše!”

⁴⁷ O rile, “Gabotse, Abraham o dumetše Modimo, seo ke sohle a kgonnego go se dira.”

⁴⁸ Ke rile, “Therešo. Eupša gona Modimo o mo fa lenaneo la lebollo, bjalo ka tiišetšo gore O be a amogetše tumelo ya gagwe.”

⁴⁹ Gomme ge A se a ke a go bolotša go le bjalo ka Moya wo Mokgethwa, ga se A ke a amogela tumelo ya gago go le bjalo. Yeo

ke nnete. Leo ke lebollo la pelo le moyo. Modimo o fa Moya wo Mokgethwa bjalo ka tiišetšo O amogetše tumelo ya gago. Bjale, ge o ema o dumela, gomme wa tlhehla go dikologa; gomme wa no dumela Modimo, Modimo o tla bolotša pelo yela. Gomme seo se ripa gosedumele gohle, o bolotša lefase le gosedumele gohle go tloga go wena; gomme morago o a ema, Lentšu le nnoši. Jesu o rile, “Ge le dula ka go Nna, gomme Lentšu la Ka ka go lena; gona kgopelang se le se ratago, le tla se fiwa.”

⁵⁰ Seo ke se e lego bothata ka kereke lehono. E ka tlase ga maikutlo, e ka tlase ga thuto, e ka tlase ga thutotumelo. Ga go makatše, e kgameeditšwe fase! Le a bona? Kafao re hloka lebollo, go ripa selo ka moka. Etla morago go Modimo le Lentšu la Gagwe, gomme o Le dumele ka tsela ye Le ngwadilwego fao, gomme o se ngangišane le Lona. E no dula le Lona. Modimo o dirile tshepišo, Modimo o boloka tshepišo ya Gagwe. A ka se kgone go dira selo gape eupša go boloka tshepišo ya Gagwe, gomme a šala e le Modimo.

⁵¹ Bjale kgwerano ye ya go hloka mabaka. E sego “ge le ka rata, Ke tla dira, eupša Ke tla dira moragwana,” goba se sengwe boka seo; “Ke šetše ke file naga go wena, le Peu ya gago ka morago ga gago!” Amene. Le a bona, o šetše a e dirile! Ke mošomo wo o fedilego.

⁵² O rile, “Go Abraham O dirile seo.” Ee, e sego feela Abraham, eupša Peu ya gagwe ka morago ga gagwe.

⁵³ Gomme ge re le Peu ya Abraham, ke setšeletšwa se se fedilego. “Bao A ba tsebilegopele, O ba biditše; bao A ba biditše, O ba lokafaditše; bao A ba lokafaditše, O šetše a ba tagafaditše.” O boifa eng? Yeo ke nnete. “Gomme molwalekriste, ka matšatšing a mafelelo,” go ya ka Kutollo, “o forile bohle bao ba dutšego godimo ga sefahlego sa lefase, bao maina a bona a sega o ngwalwa ka Pukung ya Kwana ya Bophelo” (ge e sa le tsošeletšo ya mafelelo? Aowa) “pele ga motheo wa lefase.” Ke ge leina la gago le beilwe ka Pukung ya Kwana ya Bophelo, ge Kwana e hlabilwe. Modimo o boletše Lentšu; Le be le le ka monaganong wa Gagwe, ka monaganong wa Gagwe, O boletše Lentšu gomme se sengwe le se sengwe se diregile feela ka nako yeo. Ye e no ba Peu ya Modimo e bonagalago, ke phetho, Mantšu a Gagwe a theoga. Bjale, ge Seetsa sa Modimo se pekenya go kgabaganya yeo, ka pela Peu yela e a Se lemoga, gobane E tswetšwe ke Modimo. Ke Peu ya Abraham, e tsebetšwepele ke Modimo. Ke ka baka leo Seetsa se phadimago, ke go swara Peu yela. Ge e . . .

⁵⁴ Re bile le tsošeletšo. Joele o boletše. Re nganganan kudu ka pula ya kgogolamooko, e bile le mesepelo e bitšwago “kgogolamoko,” kgogolamoko, tsheola, medupi, messarasarane. Ke be ke bala letšatši le lengwe. A le tseba se *tsheola* e se rago ka go lentšu la Sehebere? Nka se kgone go le bitša thwi bjale; ga

se ka ke ka le ngwala fase, e tabogile monagano wa ka. Eupša *tsheola*, pula ya mathomo, e ra “pula ya go ruta.” Pula ya bobedi ke Moya wo o tlago godimo ga se se rutilwego, le go tšweletša puno. Gobaneng re bile le tsošeletšo ye bjalo? Pentecostal, Baptist, mehlare yohle ye mengwe e hloga mahlogedi a yona, bjalo ka ge Jesu a boletše ba tla ba. Gomme re phaphašitše eng? Mabaptist ba rile ba “na le milione go feta ka ’44.” Lebelelang Katoliki, ka fao ba oketsegilego. Lebelelang go dikerekemaina tšohle. Lebelelang Pentecost. Re dirile eng? Re bjetše dipeu tša kerekeleina, re bunne puno ya kerekeleina. Gobaneng, kereke e swanetše go ba e tuka bakeng sa Modimo gonabjale, ge eba go bile le peu Lentšu e bjetšwego morago fale, gomme go tla ba le maswao, matete, mehlolo, gomme kereke yeo e tla ba mmogo, pelo e tee, mmero o tee, le go matšha go ya Tsione, bakeng sa Tlhatlogo. Yeo ke nnete. Re dirile eng? Re bile le dipolelo tša bohlale sebakeng sa Lentšu. Re bile le go fa mabaka kgahlanong le Lentšu, le se sengwe le se sengwe gape.

⁵⁵ Re swanetše go boela morago go Lentšu. Re swanetše... Re tla e dira! Modimo o rile, “Ke tla bušetša, o rialo Morena, mengwaga yohle yeo bojane le mogokong e e jelego.” E ya go khukhuša ntle ka nako ya mantšiboa. Go tla tla pele yo motee ka Molaetša, o tla bušetša dipelo, goba tumelo ya bana morago go Tumelo ya botate. O e tshepišitše ka go Maleaki 4, gore O tla e dira, go ba bušetša morago gape.

⁵⁶ Bjale, yoo ga se Eliya yoo a boletšwego ka Beibeleng; Jesu o boletše ka go Mateo 11, “Ge le ka kgona go e amogela, Johane fale o be a le Eliase yo a bego a swanetše go tla,” wa Maleaki 3. “Bonang, Ke roma motseta wa Ka pele ga sefahlego sa Ka,” Maleaki 3, le hwetša seo.

⁵⁷ Eupša elelwang, Maleaki 4, Molaetša o a tla, “Letšatši la go šiiša la Morena le tla tla gomme le tla tshuma lefase ka moka, gomme baloki ba tla sepela godimo ga melora ya ba babe.” Seo ga se nke sa direga ka morago ga Johane. Aowa, ge seo e be e le sona, gona Lengwalo le lahlegetšwe ke maswaro a Lona, Le boletše se sengwe seo se bego se se bjalo. Re na le mengwaga ye dikete tše pedi ge e sa le go tloga nako yeo, lefase ga se la ke la tshungwa ge e sa le, le gatee. Ebile baloki ga se ba sepela godimo ga me—me melora ya ba babe. Eupša re sa letile bakeng sa se sengwe seo se yago go tšea Tumelo, le go bušetša tumelo ya bana morago go Mohlare wa setlogo wa pentecostal wo bojane bo o jelego, bojane bja Roma, phatakala. Kerekeleina yohle ya bona le dithutotumelo di O jele. Modimo o rile, “Ke tla O bušetša gape, ka matšašing a mafelelo.” Gomme O tla bušetšwa! Modimo o tla romela Moya wo Mokgethwa ka tsela ye bjalo, godimo ga Lentšu le le bjetšwego, le le tla bušetšago. Lentšu la Modimo ke Peu yeo mobjadi a ilego pele go e bjala.

⁵⁸ Bjale, kgwerano e be e filwe ntle le mabaka! Bjale, Israele, peu ya tlhago e neelane ka seo, gomme ya se loba ka go

Ekisodo 19, ge ba dirile selo sela sa šiiša go tloša mogau, le go amogela molao lefelong la wona. A phošo ya šiiša ye Israele e e dirilego kua!

⁵⁹ Lebelelang! Modimo, morago ga ge A dirile kgwerano le Abraham, mogau o be o šetše o ba file moprofetamolopolodi bakeng sa bona tlase ka Egepeta, go tšwetšapele lentšu la Abraham. Elelwang Moshe, ka tlase ga sethokgwa, Modimo o rile, "Ke kwele dillo tša batho ba Ka, gomme Ke gopola tshepišo ya Ka." Pele go ka ba molao e ka ba ofe, mogau o e file. Mogau o be o file sehlabelo bakeng sa molato wa bona, kwana. Mogau o be o file kgwerano, lebollo, o be o šetše o filwe, pele ga molao. Mogau o be o file Pilara ya Mollo go ba hlahlala, go latela moprofeta, tshireletšo yeo moprofeta a ba biditšego Therešo, e be e le Lentšu leo a bego a bolela ka lona. Ba tsebile gore Modimo o e tshepišitše, gomme Pilara ya Mollo še e e tiišetša. A tshireletšo ya go menagana gabedi! Amene. Mogau o dirile seo!

⁶⁰ Eupša ba nyakile se sengwe bakeng sa bonabeng seo ba ka kgonago go se dira, go ba le dithutotumelo le dikereke tša bona beng, le eng go fetiša, go dira Bafarisei, Basadutsei, le se sengwe ba bego ba ka kgora go se dira bonabeng.

⁶¹ Motho ka mehla o leka go iphološa yenamong. O ka se kgone go dira seo! Modimo o šetše a e dirile. O no swanelo go e amogela le go e dumela.

⁶² Pilara ya Mollo go ba etapele le go ba hlahlala, go ba etapele ka Tseleng. Maatla, mogau o be o file Maatla go ahlola lenaba la bona le go ba lokolla. Maatla a be a šetše a filwe. Ba tshetše Lewatle le Lehubedu. Ba iteile Farao. Ba dirile dilo tšohle tše ka mogau. Gomme ba neela mogau bakeng sa molao, eupša seo ga se se be le selo go dira le Peu ya bogosi ya Abraham.

⁶³ Peu ya bogosi e lekile go dira selo sa go swana, go ya morago ka tlase ga mohuta tsoko wa thutotumelo sebakeng sa go tšeа mogau le Lentšu, le go Le dumela. E ile morago. Eupša fao go tla tla pele Peu ya bogosi; re tla hwetsa yeo ka morago ga nthatana, pejana gannyane.

⁶⁴ A re yeng morago bjale go Genesi 12. Modimo o biditše Abraham ka mogau. E sego ka gobane o be a le motho wa go fapano; o be a no ba Abraham, feela motho wa setlwaedi. E sego ka gobane o be a le moprista goba mohlomphegi; o be a no ba molemi. O tlie tlase go tšwa toropongkgolo ya—ya Tora ya Babilonia, le tatagwe, gomme ba ile Kaladea, Uri ya Kaladea. Gomme, fao, go be go le molemi, mohlomongwe a lemile ka nako ya mosegare gomme a tšweletša dijo tša gagwe. O be a nyetše kgaetšedi wa gagwe wa seripa, Sarah. Gomme ga se ba be le bana, gomme Abraham o be a le bogolo bja mengwaga ye masomešupa tlhano ge Modimo a mmiditše, gomme Sarah o be a le masometshela tlhano a mengwaga ka bokgale.

⁶⁵ Gomme Modimo o boditše Abraham ge A mmiditše, O rile, “Ke ya go go dira tatago ditšhaba,” le go ya go mo fa les ea ka Sarah. Bjale, o be a sa belegiše. Gomme o be a le, gabotse, masometshela tlhano, o be a le lesome goba lesometlhano la mengwaga go feta menophose. O be a phetše le yena ge a be a ka ba lesometshela goba lesomeseswai la mengwaga ka bokgale, kgaetšedi wa gagwe wa seripa. Gomme, bona, o be a le monnamogatša go yena mengwaga ye yohle go fihla a be a le masomešupa tlhano, gomme o be a le masometshela tlhano, gomme ka gona Modimo o tla fase gomme a re, “Ke ya go go fa les ea, ka yena.” Gomme ga se a thekesela go tshepišo ya Modimo, eupša o e dumetše!

⁶⁶ A o ka eleletša mokgalabje, bogolo bja mengwaga ye masomešupa tlhano, le mosadi, masometshela tlhano, a theoga, a roromela, tlase go ngaka, le go re, “Ngaka, ke nyaka o lokiše sepetlele bjale. Re ka no go bitša bošego bjo e ka ba bofe, ka gore, o a tseba, re ya go ba le les ea”?

⁶⁷ Ngaka o tla re, “Ya, ee, mohlomphegi, wena o . . . Uh, uh, uh!” Ka pela ge ba se no ya mogaleng, ba re, “Bokaonana ke go ya ka morago ga gagwe, fao go na le selo se sengwe se se fošagetše go.”

⁶⁸ Gomme yo mongwe le yo mongwe yo a tšeago Modimo mo tshepišong ya Gagwe o tšewa go ba, ke lefase, “segafa.” Paulo o rile, “Ka tsela ye e bitšwago ‘bohlanya,’ ke ka tsela ye ke direlago Modimo wa botate.” *Bohlanya* ke “bogafa,” re a tseba. Ke bošilo go monagano wa nama. Tumelo e gafa go yo mongwe le yo mongwe eupša Modimo le yo motee yo a nago le tumelo. Yeo ke therešo.

⁶⁹ Eupša Modimo o tshepišitše Abraham, gomme Abraham o e dumetše. Ga se nke a re, “Modimo, go tla ba bjang?” O rile, “Go lokile, Modimo, ke a e dumela.” Gomme ke kgona go mmona a eya gae, a re, “Sarah, a re ye tlase gomme re hwetše dijarat tše mmalwa tša dipalete, le go re hweletša dipalete tsoko, le go re hweletša diputsu tsoko. Go ya go ba le les ea.” Oo, nna!

⁷⁰ Matšatši a masometharo a pele a fetile, goba matšatši a masomepedi seswai. “O ikwa bjang, morategi?”

“Ga go phapano.”

“Šegofatša Modimo, re ya go ba le lona, go le bjalo!”

“O tseba bjang?”

“Modimo o boletše bjalo!”

⁷¹ Ba bangwe ba rena ba ka rapelelwa bošegong bjo bongwe, le go dula ka kopanong moo Moya wo Mokgethwa o welago; gomme mosong wo o latelago, ge re sa itekanelo, gabotse, go tia, “Ke—ke sa babja mo mogodung wa ka gannyane nthatana. Nka se sa kgona go šikinya diatla tša ka gape.” Wena, Peu ya Abraham, o se thekesela go tshepišo ya Modimo ka gosedumele?

⁷² Se sengwe se tla godimo ka kerekeng, diabolo o kgona go tsena magareng ga se—se sehlopha sa batho ba bakaone le go tsena ka fale le go ya go hwiphinya phuthego yela go dikologa, selo sa pele le a tseba, ba bangwe ba re, “Huh, ke ya go tlogela Selo se sa kgale, go be go se selo go Sona lefelong la pele.” Peu ya Abraham? Nna, nna! Bošaedi bjo bonnyane bja mathomo diabolo a ka go bontšhago, gona wena, o feditše ka Yona. Go laeditše gore ga se wa Le dumela lefelong la pele.

⁷³ Jesu o rile, “Mmušo o bjalo ka monna a tšerego nnete, gomme o ile lewatleng gomme a lahlela ka lewatleng. Ge a etla ka gare, o bile le se sengwe le se sengwe.” Yeo ke nnete.

⁷⁴ Seo ke se—seo ke se tsošeletšo e se tanyago. Ke eng ka go nnete? Le na le digwegwe, digokgo, dipshinyaleraga, crawfish, dinoga, le hlapi. Ga se botelele kudu go fihla pshinyaleraga e rile, “Gabotse, le ga se lefelo bakeng sa ka,” thwi morago ka lerageng o a ya. Segokgo sa meetse sa kgale se lebeletše tikologong, gomme sa re, “Uh! Nka se kgone go ba le papadi ya karata mo.” Kafao tlase ka lerageng o ya gape, boka kolobe lerageng la yona le mpša mahlatšeng a yona. Yeo ke nnete. Gomme ka gona Peu ya Abraham? Oo, nna! Kgobogo ye bjalo!

Peu ya Abraham e dumela Lentšu la Modimo!

⁷⁵ Dula morago kua gomme o re, “Ya, šegofatša Modimo, ke nna Mopentecosta!” Gomme yo mongwe o rera se sengwe go Lentšu, šele Le ngwadilwe thwi ntle. “Haleluya, ga ke dumele Leo. Aowa, mohlomphegi.” Peu ya Abraham? Huh!

⁷⁶ Bjale, ge e le ditšiebadimo tsoko, nnete, ga o e dumele. Eupša ge E le Lentšu, Ke Therešo! Yeo ke nnete. Peu ya Abraham e swarelela go Lentšu lela gomme ga go selo gape.

⁷⁷ Kgwedi ye nngwe e fetile. “Sarah, moratiwa, o ikwa bjang bjale? Le a tseba, matšatši a mangwe a masomepedi seswai a fetile, o ikwa bjang?”

“Ga go phapano, moratwa.”

⁷⁸ “Letago go Modimo! Ke dikgwedi tše pedi mohlolo wo mogolwane go feta o bego o le ge o be o ka direga kgwedi ya go feta.”

Ngwaga wa feta. “A nka tloša diputsu tše nnyane tše?”

⁷⁹ “Aowa, mohlomphegi, o di boloka fao. Re ya go ba le lesea lela!”

“O tseba bjang o ya go ba le lona?”

“Modimo o boletše bjalo! Seo se a e ruma.”

Ka morago ga mengwaga ye masomepedi tlhano e fetile. “O ikwa bjang, Sarah?”

“Ga go phapano.”

⁸⁰ “Letago go Modimo! Ke mengwaga ye masomepedi tlhano go fetiša ya mohlolo bjale!” Ga se a thekesela go tshepišo ya

Modimo ka gosedumele, eupša o be a tiile, a swareletše go Lentšu la Modimo; le go bitša dilo tše di bego di se gona, mo o ka rego di be di le gona. Gobaneng? Modimo o boletše bjalo! Oo, nna!

⁸¹ Peu ya Abraham lehono, gobaneng, se re se bitšago Peu ya Abraham, e fokola go feta mothotho wo o dirilwego go tšwa go moriti wa kgogo ye e bolaišitšwego tlala go iša lehung. Ee, mohlomphegi.

⁸² Modimo o nyaka Bakriste ba makgwakgwa ba ba tšeago Lentšu la Modimo, go phela goba go hwa. Ke selo sa go swana. Amene. “Modimo o boletše bjalo!” Yeo ke Peu ya Abraham, e tswetšwe ke Moya le Lentšu la Modimo. Seo ke se se emego.

⁸³ “Magodimo le lefase di tla feta, eupša Lentšu la Ka le ka se tsoge la feta.” Yeo ke yona. Se Modimo a se tshepišitšego, Modimo o kgona go se dira. Modimo ga a palelwe. A ka se palelwe. Go ne selo se tee Modimo a ka se se dirego, gomme seo ke go palelwa. A ka se palelwe, seo ke selo se nnoši A ka se se dirego. Eupša A ka se palelwe. Ge Modimo a e tshepišitše, ke Theréšo. E fao go ya go ile. E iketlide go ya go ile. Ge Modimo a bolela Lentšu, le šetše le rarolotšwe.

⁸⁴ Lefase le le dirilwe feela ka Lentšu la Modimo. O nno re, “A go be le,” gomme fao gwa ba. Amene. Lona lerole le o dutšego godimo ga lona bosegong bjo, tšona dikgong tše o dutšego godimo ga tšona, ga se selo eupša Lentšu la Modimo le dirilwe go bonagatšwa. Haleluya!

⁸⁵ Ke ikwela bodumedi ge ke nagana ka Abraham, re tseba gore re ka kgona go ba Peu ya gagwe, Peu ya Abraham le ditshepišo tšohle tše. E sego feela go e dira kgonthe, Modimo o swaretše seatla sa Gagwe godimo, a ena ka Yenamong, gore O tla e dira. Keno ke, ka mehla, kgwerano e tiišetšwa ka keno, gomme Modimo o enne ka Yenamong gobane ga go wa godingwana go ena ka yena. O enne ka Yenamong, gore O tla e dira.

⁸⁶ Bjale se lefase, bjang, ke eng—ke eng bothata ka renä? Tshepišo ye bjalo ka yeo! Tumelo e agilwe go dikologa se sengwe boka seo, tumelo e agilwe! Lentšu le le tshepišitšego dilo tše ka matšatšing a mafelelo, gomme mo re di bona di direga thwi pele ga renä, gomme ba sa ntše ba inametše go dikologa. Peu ya Abraham? Oo, nna! Ke nyaka le swarelele go seo, “Peu ya Abraham.”

⁸⁷ Genesi 12, se Modimo a se nyakilego go Abraham e be e le karogano moka.

⁸⁸ Bjale, lehono, ba nyaka bahlakanyi. “Oo, ge re kgetha modisa, o swanetše go ba le moriri wa dikhele, gomme thwi go tšwa Hollywood, le a tseba, gomme a kgone go re ‘aamene’ gabotse kudu, gomme a apare diaparo tša matsakatsaka, gomme a otlele segatšatša sa Cadillac, le—le go ya pele ka mokgwa woo, gomme ke mohlakanyi yo mokaone. O dira se. Gomme o tla tše seno se sennyane gatee mo nakwaneng le renä, go ba wa leago. O

tla go phathi ya dikarata ya bahumagadi ba go tšofala, gomme ba a kgomaganya le go roka, le go roka le go kgomaganya, le go bolela ka Mohumagatšana *Semangmang*, le go ya pele, le a tseba, le tšohle ka mokgwa woo. Gomme ba swanetše go ba mohuta woo wa—wa mohlakanyi.”

⁸⁹ Modimo o rile, “Nkaroganyetšeng Paulo le Baranaba!” Amene. Karogano! “Etšwang magareng ga bona gomme le se be batšeakarolo ba dilo tša bona tša ditšila!” Modimo o nyaka karogano, phedišomoka go tloga go sebe. Aroganya! Bjoo ke bjo e lego bothata lehono, lebaka re ka se kgonego go ba Peu ya Abraham, re ka se kgone go ikaroganya renabeng go tloga go dithutotaelo le dithutotumelo, le go ya pele, di bitšwago Bokriste, go ya go Lentšu le le phelago. Ikaroganye wenamong go tloga go gosedumele ga gago, gomme o dumele Lentšu la Modimo. Modimo o tla Le dira le bonagatšwe go wena. Nnete.

⁹⁰ Genesi 12, Modimo o rile, “Ikaroganye wenamong go tloga go moloko ohle wa gago le go tloga go se sengwe le se sengwe go go dikologa.” Oo, nna, re ka se kgone go ikaroganya renabeng go tloga go go bapala dikarata! Huh!

⁹¹ Ke ile ka restoranteng lehono, ge ngwanešu a etla ka fale. Ke šeditše batšwamahlalagading ba bangwe ba go seleka baa etla ka fale. Gomme mosadimogatša le nna re be re leka go ja, gomme ka gopola, “Tumišang Modimo! A re hlaganele, hani, pele yo mongwe a etla ka gare.” Gomme motšwamahlalagading tsoko o tla ka fale, a nyokanyoka gohle. Ke tla tšhoga go kopana le mošemane yola ka leswiswing. Gomme o beile na—na nalete ya motšhene ka fale gomme, goba rekoto, gomme a thoma go raloka selo sela sa kgale sa go tabogana, gomme—gomme a eme fale, a eya ka mokgwa *wo*, le a tseba, a ipetha yenamong ka mokgwa *wola*. Ke rile, “Mmalo, kgaogelo!”

⁹² Meda o rile, “O se ke—o se ke wa ya godimo kua go lefa pili yela. O leta thwi mo, a nke ke ye le wena.” O be a boifa.

⁹³ Mang kapa mang ka go seo, dilo tše bjalo ka ge re na le tšona lehono, setšhaba sa Bokriste, oo, a selo! Karogano! Diphesente tše masomesenyane tša bao ba opela ka dikhwaereng, Elvis Presley, le Pat Boone, le bohole bale, le Peabody Ernie, e ka ba eng ba mmitšago tlase kua. Gobaneng, go befile go feta Judase Iskariote! Judase Iskariote o rekišitše, gomme o hweditše dithoro tše masometharo tša silibere; Elvis o mo fetile, o ne molokoloko wo montši wa diCadillac le bontši bja botsebalegi. Gomme ka gobane digitlane tše dinnyane tše di bona tiragalo yeo, di re, “O bodumedi kudu.” Yoo ke diabolo! Ka go felela! Modimo ga a kgotlelele dilo tše bjalo ka tše. Seo ke sefoufatši mo matšatšing a mafelelo.

⁹⁴ Etlang morago go Lentšu, “Ikaroganye wenamong go tloga go dilo tšohle tša go hloka modimo, gomme o se kgwathe selo sa bona. Ke tla go amogela.”

⁹⁵ Ebangedi, re hloka go E swara ka diatla tša go se apare selo! E sego go aperwe ditlelafo tša bokereke, go pepetletša yo mongwe ka morago, yo a hwetšago sehlaga se se tletšego mae a go bola gape, go dira yo mongwe monna wa selete, goba mopotologi, mopišopo, goba se sengwe gape. Ke eng e dirago... O ka kgona bjang go ba le tumelo ge o na le tlhompho, go hwetša tlhompho yo motee go tšwa go yo mongwe? Re lebelela go Modimo, gomme Yena a nnoši! Tlhompho e tšwa go Modimo. Ke Yena yo Motee. Re Mo hlompha ka go swara Lentšu la Gagwe bjalo ka serumula, le go sepela bjalo ka monna goba mosadi pele ga Modimo. Nnete. Karogano moka!

Genesi 13, Loto o ile morago. Elelwang. Ba bile gannyane...

⁹⁶ Ka morago ga ge ba ikarogantše bonabeng, le go tshelela mošola wa noka le go ya ka nageng, Modimo o rile, "Abraham, Ke tla e fa yohle go wena bjale, eupša ga se wa Nkobamela ka botlalo."

⁹⁷ Gomme selo sa pele le a tseba, fao go tlide godimo go baka go gannyane ka badiši, le magareng ga badiši ba bona, gomme Genesi 13 (go diregile eng?), badiši ba Loto le badiši ba—ba Abraham. Šetšang Abraham, tiro ya boena, o rile, "A go se be le dingangišano magareng ga rena. Re baena." Loto o be a emela kereke ye bolelo. Gomme o rile, "Lebelela ntile, tšea kgetho. E ka ba eng o e nyakago, o ya pele le go e tšea. O ya bohlabela, ke tla ya bodikela, go ya pele. Goba, o ya bodikela, ke tla ya bohlabela. O ya leboa, ke tla ya borwa, le go ya pele. O tšea kgetho ya gago." Gomme Loto o be a šetše a le tlase ka Egepeta gomme o be a na le leihlo ka botsebalegi bjo bonnyane, o be a na le tšhelete ye nnyane ka potleng ya gagwe.

⁹⁸ Fao ke mo kereke e dirilego phošo ya yona. Ke bolela se ka tlhomphokgolo, baena. Kereke ya Pentecostal e tla ba kaonana ka thamporine, ntile fale mo khoneng, le banna le basadi ba fešene ya kgale, ka kolobetšo ya Moya wo Mokgethwa, go feta ka mo ba ka bago ka go mafelo a magolo a borapelelo le mebušara ba phelago ka go yona lehono ka tlase ga ditšiebadimo tše le dilo. Yeo ke nnete. Ba nyaka go itshwara boka ka moka ga bona. Fao ke mo re e hweditšego. Gobaneng le se la dula ka tsela ye le bego le le, tsela ye Modimo a le thomilego? Sona selo se le kgakganego ka sona, gomme le retologile go dikologa le go dira selo sa go swana.

⁹⁹ Yeo ke tsela ye Loto a dirilego, o ile tlase ka Egepeta gomme, selo sa pele le a tseba, o beile mahlo a gagwe ka Egepeta. Gomme nako yeo o lebeletše godimo gomme o bone Sodoma, manonganongo, a e tšea gabonolo. Gomme o ile thoko ya bohlabela go ya... Elelwang, o ile bohlabela sebakeng sa go ya bodikela le Abraham. O ile bohlabela gobane e be e le tsela ya manonganongo. O ile pele go leba bohlabela.

¹⁰⁰ Yeo ke tsela ye kereke e dirilego lehono, le a bona, ba ile morago. Bjalo ka ge ke boletše bosegong bja go feta, letšatši le

hlaba ka Bohlabela gomme le ya bodikela. Gomme Morwa wa Modimo o etela Bohlabela pele, gomme o ile go leba bodikela. Ba e fifaditše ntle, go kgabola mengwaga ye dikete tše pedi. “Eupša go tla ba le Seetša nakong ya mantšiboa,” moprofeta yo o boletše. Sebakeng sa go latela Morwa, ba ya morago moo Morwa a bilego. Lehono o direga go bolela se sengwe ka phodišo Kgethwa, ka seprofeto, ka dimpho tše senyane tša semoya, goba se sengwe; “A re yeng morago gomme re bone se Moody a se boletšego, se Sankey a se boletšego, se Knox a se boletšego, se Calvin a se boletšego.” Ba phetše mo letšatšing ge Morwa a be a phadima fale; re ya phethagalong! Amene!

¹⁰¹ Rasaense wa Mofora o rile, e ka ba mengwaga ye makgolotharo ya go feta, o e netefaditše ka go kgokološa kgwele go dikologa klopu, o rile, “Ge e ka ba mang a ka tsoge a ya ka lebelo la go šiiša la dimaele tše masometharo ka iri, kgogedi ya lefase e tla ba tšea go tloga lefaseng.” E netefaditše ka saense. Le nagana saense e tsoge ya bolela ka seo? Aowa, mohlomphegi! Ba na le bona ba eya e ka ba dimaele tše dikete tše pedi ka iri, ba leka go ba dira ba ye kgojana. Ga ba lebelele morago go seo.

¹⁰² Eupša badiredi, “Re tla lebelela morago le go bona se Moody a se boletšego, se Sankey a se boletšego.” Moo ke mo Morwa a bego *a le* gona. Mo ke mo Le lego lehono! Ke ka Lebopong la Bodikela, ka nakong ya mantšiboa, haleluya, le e fa Dietša tša mantšiboa! E sego morago go tokafatšo ya Luther goba tlhwekišo ya Wesley; eupša re mo letšatšing la mafelelo, amene, ge Dietša tša mantšiboa di phadima, ge re le nakong ya mafelelo. Latelang Morwa.

¹⁰³ Eupša Loto o ile morago gobane go be go le bonolo, manonganongo. Lebelelang Mdi. Loto ge a fihla morago kua. Gobaneng, o swanetše go be a bile kgošigadi ya disosaete tša toropokgolo. Loto o bile ratoropo. Oo, ngwanešu, ba bile le yona e dirilwe, gobaneng, ke ra go re!

¹⁰⁴ Yeo ke tsela ye batho ba tšerego Mdi. Loto lehono. Lebelelang ka tsela ye batho ba rena ba dirago lehono. Lebelelang batho ba rena ka dikerekeng, e nong go e lebelela. Lebelelang basadi ba rena, ba lebeleleng lehono.

¹⁰⁵ Ke—ke be ke le ka Hollywood le lengwe... goba ka Los Angeles, kgauswana, ke be ke letetše Ngwanešu Arganbright go tla godimo. Gomme fao go be go eme mosetsana, a tla godimo kua. Ka lebelela, gomme ka thekesela. Ka mo lebelela. Ka gopol, “Ke nna moromiwa. Ke bone tlhakgama, ke bone lephera, eupša ga se nke ka ke ka bona e ka ba eng boka seo.” O be a na le e tee yamekoto ya meriri ya hlogomeetse, ye, le a tseba, le a tseba, se le e bitšago, e lebega bjalo ka hlogomeetse, le a tseba, mo—mo Mohumagadi wa Pele, ya, boka Isebele, ka mokgwa woo. Gomme o be a na le bolou le botala; gomme e ka no ba e be e le mosadi wa go lebega botse; eupša selo sela sohle go yena, o

lebegile boka Mokgothu wa Moafrika. Ke sepeletše godimo, ke be ke eya go rapelela mosadi. Ke naganne, “Mohumagadi, ge o sa tshwenyege, ke rapelela balwetši. Ga se nke ka ke ka bona e ka ba eng boka seo. Mpotshe se se lego.” Gomme ka gona mosadi yo mongwe o ile a bolela le yena, gomme o be a le ka tsela ye e swanago. Oo, nna!

Oo, le re, “Yoo o be a le Mopresbyterian.” Mopentecostal! Nnene.

¹⁰⁶ Gomme Beibele e rile, “Ke selo sa go se hlomphege go mosadi go ripa moriri wa gagwe.” O a e dira, o nyatša hlogo ya gagwe. O nyatša morongwa, morongwa wa Seetša. Barongwa ba Supago ba Kereke, yena a tlišago Seetša o tla dula le Lentšu. Go se hlomphege! O swanetše go ba le moriri hlogong ya gagwe. Nna, bjalo! Gomme go be go fela go eba phošo go bona go e dira. Ka go—ka go Pentecost ya mathomo, e be e fošagetše. Go diregile eng? Le kitimile gabotse, go diregile eng?

¹⁰⁷ Gomme ba bangwe ba basadi ba rena ba Pentecostal ba apara tšona diaparo tše di bogegago boka letlalo godimo ga biana, ntle mo felotsoko go leka . . . Yeo ke nnete! Ga ke bolele seo bakeng sa motlae. Le ga se lefelo la metlae. Ye ke phuluphithi.

¹⁰⁸ Mosadi yo mongwe o rile go nna bošego bjo bongwe. Ke ba boditše ka fao ba bego ba apere. O rile, o rile, “Ga ke apare dišothi. Ke—ke—ke apara dileka.”

¹⁰⁹ Ke rile, “Seo se befile go feta nkilego. Modimo o rile, ‘Mosadi yo a ka aparago seaparo sa monna, ke makgapa mahlong a Modimo.’” Thwi!

¹¹⁰ Gomme a nke ke go botše se sengwe, mohumagadi, wena, mosadi yo moswa, yoo a ikapešago wenamong ntle fale, o ya go araba ka letšatši la kahlolo bakeng sa go dira bootswa.

O re, “Ke nno hlweka bjalo ka lili.”

¹¹¹ Ya, eupša Jesu o rile, “Mang le mang a lebelelago mosadi go mo kganyoga, o šetše a dirile bootswa le yena ka pelong ya gagwe.” O ka no se swanele go dira tiro. “Mang kapa mang a befelelago ngwanabontle le lebaka, o šetše a bolaile.” Le a bona, selo se nnoši o swanetšego go se dira. Gomme ge modiradibe yola a go lebelela ka tsela ye o apereo, yohle e tseetšwe ntle ka tsela ye o logo, e išitšwe morago, le go kgoromeletšwa ntle, le go kgoromeletšwa ka gare, le yona mehuta ya diaparo e aperwego, morago o ya ntle. Bjale theetša, yeo ga se metlae! Ye ke Ebangedi! Gomme o penapena ka mokgwa woo, gomme modiradibe tsoko a go lebelela go go kganyoga. Ka letšatši la kahlolo, ge a arabela go direng bootswa, ke mang a bo hlotšego? O dirile. O tla e arabela ka gobane o itšweleleditše wenamong ka tsela yeo.

¹¹² Gobaneng, o re, “Ga—ga ba dire mohuta e ka ba ofe wa diaparo.” Ba dira metšhene ya go roka, gomme ba sa rekiša

diphahlo. Ga se maitshwarelelo le gatee! Ke ka baka la gore o tlogile go Lentšu! Ga se gwa tlwaelega. Seo se bothata.

¹¹³ Moreri tsoko wa go tuma o tlie letšatši le lengwe, gomme o beile diatla tša gagwe go mna, o rile, “Ke ya go bea diatla tša ka go wena le go lelekela bobe ntłe.”

Ke rile, “Eng?”

¹¹⁴ “Go bolela ka bona basadi ka mokgwa woo.” O rile, “Batho ba go tšea bjalo ka moprofeta.”

Gomme ke rile, ke rile, “Ga ke moprofeta.”

¹¹⁵ O rile, “Ba go tšea bjalo ka yoo, Ngwanešu Branham.” Gomme o rile, “O swanetše go be o ruta batho bale, bona basadi, mokgwa wa go hwetša ditšhegofatšo tše kgolo tša semoya. Gomme o tšwelapele o ba botša ka go ripa moriri wa bona le dilo boka tšeo. Ga ba ye go theetša seo.”

Ke rile, “Ke a e tseba.”

O rile, “Gobaneng o sa ba rute dilo tše kgolokgolo?”

¹¹⁶ Ke rile, “Nka kgona bjang go rera, go ba ruta dipalontshetshere mola ebile ba sa tsebe diABC tša bona, ebile le bothakga bja tlwaelo?”

¹¹⁷ Gomme wena monna yo a tla dumelago basadi ba gago go dira ka mokgwa woo, ke na le ditlhompho tše nnyane go wena go beng monna wa Mokriste, Peu ya Abraham. Amene! Bokaone ke tlogele yeo e nnoši, ke tla le dira bohole le emeletele gomme le ye gae. Go lokile. Le lengwe la matsatši a o ya go palelwa go hwetša se sengwe godimo Kua.

¹¹⁸ O re, “Ga e dire phapano e ka ba efe.” E dirile go Paulo. E dirile go Modimo, ka serapeng sa Edene. Beibele e boletše gore mosadi o swanetše go ba le moriri wo motelele! Gomme ntłe le ona, o go kae? Gabotse, o re, “Ga e dire phapano ye e itšego.” Beibele e rile e a dira! Le se ke la dumelala diabolo go fa mabaka le lena, le go le botša, “Ke sebjalebjale, go lokile.” Ga se gabotse! O rile, “Ga se ke e tsebe pele.” O a e tseba bjale. Le a bona? E puruputšeng gomme le hwetše ge e le nnete. Ke tla tlogela yeo e nnoši, le a bona. Go lokile.

¹¹⁹ Genesi 13, sebjalebjale, uh-huh; ba ya morago moo Morwa a bego a le gona, e sego moo Morwa a lego; moo Morwa a bego a le gona, go le bjalo. Mosadimogatša, ke a eleletša, mosadimogatša wa Loto, ka fao a tsenego ka setšhabeng!

¹²⁰ Yeo ke tsela ye re nago nayo ka setšhabeng. Yeo ke tsela ye rena Mapentecostal re tsenego ka go yona. Re ba, go bea mokgatlo wo monnyane godimo *fa*, le wo monnyane kgahlanong, wo motee kgahlanong le wo mongwe, le kgahlanong le *wo*, gomme ba dira . . . Le tšere e ka ba eng. Yeo ke nnete tlwa.

¹²¹ Samuele o boletše eng ge Israele e nyakile go—e nyakile go dira kgoši, e nyakile Saulo bakeng sa kgoši? Samuele o tlie

bona, gomme o rile, “A nkile ka tšea tšelete ya lena bakeng sa go iphediša? A nkile ka le botša e ka ba eng ka Leina la Morena eupša se se diregilego?”

¹²² Oo, ba rile, “Nnete, o moprofeta wa Modimo. O re boditše Therešo, le se o se boletšego se a phethega, eupša re nyaka kgoši, go le bjalo.”

¹²³ Gomme nako le nako ge le thoma go hlephiša mapheko, le go dumelela se le *sela*, le se sengwe le se sengwe gape go tla ka gare ka mokgwa wola, le ile sebjalebjaleng. Gomme kereke e no ba boka ka moka ga bona lehono. Se re se hlokago ke go hlwekiša ntlo ya Pentecostal! Yeo ke nnete tlwa. Amene. Ke dihlong Baptist e swanetše go go botša seo, a ga se yona? Eupša ke Therešo. Thwi! Ke dumela Beibebe, ke a dumela Lentšu la Modimo le a rerea. Go lokile.

¹²⁴ Abraham, ka gona Abraham o tšere... ka go temana ya 14 ya tema ya 13, morago ga ge Loto a ikarogantše yenamong, gomme Abraham o obametše Modimo moka, ka gona Modimo o tla go yena. Bjale O komana go mo šegofatša.

¹²⁵ Gomme go fihla kereke ya Pentecostal e tloga go dithutotumelo tšohle le dithutotaelo tša yona, le go dira boka lefase le go bogega boka lefase, le go bolela boka lefase, le go dula gae ka Laboraro bošego go bogela *Re Rata Susie* go na le go tla kopanong ya thapelo, le dilo tša go swana le tše, go lefa karolo ya lesome ya gago ntle go moreri tsoko ntle mo ka mohuta tsoko wa lenaneo la seyalemoya go dira metlae ka sona selo seo o se emelago, yeo ke nnete, le mehuta yohle ye ya dilo tše di tšwetšego pele ka leina la pentecost, ke kgobogo!

¹²⁶ Ke bolelala Banna ba Kgwebo ba Bakriste, ditšhabatšhabeng. Go na le ba bantsi ba bona ba dutše mo bjale. Fa bošegong bjo bongwe, fa e ka ba ngwaga wa go feta, go bile, ke be ke le ka Jamaica. Gomme ba be ba na le batsebalegi bohole ba dihlakahlaka ka kua bošego bjo bongwe, gomme banna ba ba emeleta, go paka, “Letago go Modimo! Ke be ke le rakgwebo yo monnyane tlase khoneng. Haleluya, ke na le diCadillac tše nne bjale. Letago go Modimo!”

¹²⁷ Gomme ke ile morago godimo kua Flamingo Hotel bošegong bjoo, ke eme kua, ke rile, “Ke lewa ke hlong ka lena!” Ke rile, “Lena banna fa go emela Kriste, le leka go botša rakgwebo ka fao le nago le bontši, o na le bontši go feta o nago goba o ka tsogego o bile.” Yeo ke phapano ka moka ye ntši go tšwa go mapentecostal a pele. Pentecost ya mathomo e rekišitše se ba bilego le sona, le go arogana magareng ga bahloki, le go ya le go rera Ebangedi. Nnete!

¹²⁸ Moopedi tsoko yo monnyane wa Swedish go tšwa Chicago, ga ke ye go bitša leina la gagwe. Ke ngwanešu yo bohlokwa wa ka. O emeletše, o rile, “Ngwanešu Branham, le ge o... Re go dumela go ba moprofeta, eupša ke ya go go botša thwi bjale, ‘O phošong.’”

Ke rile, “Mpotše kae, ngwanešu.”

¹²⁹ O rile, “Gabotse, bona batho ba rekišitše se ba bilego le sona, gomme ba se beile mo dinaong tša baapostola, gomme ba se abaganya.” O rile, “E bile tiro ye mpempe ba kilego ba e dira.”

¹³⁰ Ke rile, “A o ra go mpotša Moya wo Mokgethwa o dira tiro ya phošo?”

Gomme o rile, “E be e le phošo. Ke tla e netefatša go wena.”

Ke rile, “Gobaneng?”

¹³¹ O rile, “Morago ge tlhomaro e tsogile, ga se ba be le lefelo go ya. Ba nenerile gohle, mogohle.”

¹³² “Tlwa ka go thato ya Modimo, go rera Ebangedi e ka ba kae ba ilego. Ga se ba be le lefelo go bowa.” Modimo ga a dire diphošo. Nnete! Oo, a phapano ye e lego yona; pentecost ye e bego e le yona, le Pentecost ye e lego yona. Ya, šeo yona.

¹³³ Ka morago ga ge Abraham a ikarogantše yenamong go tloga go Loto, feela tlwa se Modimo a mmoditše go se dira. “Go aroganya sebe se sengwe le se sengwe se re nyamišago gabonolo, go tloša se sengwe le se sengwe!” Fao, ka gona Modimo o rile, “Abraham, bjale o mojabohwa wa dilo tšohle. Lebelela bohlabela, lebelela bodikela, lebelela leboa, lebelela borwa, sepela go kgabola naga, yohle ke ya gago!” Amene.

¹³⁴ O aroganya selo sa gago, wenamong go tloga go sebe, gosedumele. Go ne sebe se tee feela, gomme seo ke gosedumele. Go dira bootswa ga se sebe, go nwa bjala ga se sebe, go bolela maaka ga se sebe; tšeо ke ditholwana tša gosedumele. Ge o dumetše, o ka se dire dilo tšeо. Ka kgonthе. Jesu o boletše ka go Mokgethwa Johane 5:24, “Yo a kwago Mantšu a Ka gomme a dumela go Yena yoo a Nthomilego, o ne Bophelo bjo Bosafelego,” Zoe yela, Moya wo Mokgethwa, gobane o dumetše. Ka go nepagala. Bjale, go fihla o amogela Woo, o tumelo ya maitirelo, yeo e lego ka go sehlopha seo. Eupša ge ka kgonthе ba dumela, ba ikaroganya bonabeng, gona ge o ikaroganya wenamong go tloga go gosedumele ga gago gohle, le go dumela Modimo, go sepelela ntle ka go gagamala, o rwele Melao, go dira se sengwe le se sengwe se lego sa maleba, gona Modimo o tla re, “Tshepišo ye nngwe le ye nngwe ka Pukung ke ya gago.” Amene. “Yohle ke ya gago! Phetla go tloga go Yona, go tloga go Genesi go ya go Kutollo, yohle ke ya gago!” Amene. “Ge le dula ka go Nna gomme Lentšu la Ka ka go lena, le ka kgopela se le se ratago, se tla ba.” Eng? O swanetše go ikaroganya wenamong, pele, go tloga go gosedumele ga gago.

O re, “Ngwanešu Branham, o e dira e be kgauswi kudu.”

¹³⁵ Jesu o rile, “Ka matšatšing a Noage go bile ba seswai ba phološitšwego. Bjalo ka ge go bile ka matšatšing a Noage, go tla ba bjalo ka go tleng ga Morwa wa motho.”

¹³⁶ “Ke ba bakae bao, Ngwanešu Branham?” E ka no ba dikete tše seswai, e ka no ba milione tše seswai, ga ke tsebe gore ke eng. Eupša e ya go ba ka bonnyaneng. Yo motee go tšwa go dikete tše dingwe le tše dingwe tše lekgolo, goba se sengwe boka seo, ke tla re. Go lokile.

¹³⁷ Tumelo ya monagano, tumelo ya monagano, ntle le boitemogelo bja go tswalwa gape, ya maikutlo, thutotumelo ya kereke! Ge wa therešo wa mmapale Moya wo Mokgethwa o le ka fale, O tla feleletša Lentšu lela; gomme Lentšu lela le tla phela feela tlwa boka Le boletše Le tla dira, gobane Ke Moya wa go swana o Le boletšego, o Le bolela ka wena. Le swanetše go phela. Ka kgonthe, ke yona. E sego lena ba le bolelago, eupša Tate yo a dulago ka go lena, Ke Yena a dirago polelo. Go lokile.

Abraham, mojabohwa wa dilo tšohle.

¹³⁸ Nna, ge ke tladitše ka Moya wo Mokgethwa boka lena batho le dirile, ke rata go sepela go kgabola, gomme, boka mokgoba wo mogolo, se sengwe le se sengwe fale ke sa ka. Ke mojabohwa wa nthatana ye nngwe le ye nngwe ya sona. Gomme ge nkabe ke bile mojabohwa wa mokgoba, ke—ke tla rata go hwetša se ke nago naso. Ge ke eba Mokriste, ke nyakile go tseba se ke lego mong wa sona. Kafao ge nkabe ke bile le mokgoba, ke be ke tla ya go kgabola, le go gogela moeta ntle le go bona se se lego ka mo, le go lebelela godimo *fa* le go bona se se lego ka fale; se sengwe se bonala go ba godimo gannyane nthatana godimo fale, ke ikhweletša lelere gomme ka namela go fihla go lona. Ke tla hwetša ntle gore e be e le eng. Se sengwe se bonala gannyane ka godimo ga phihlelelo ya ka fa, ke tla ya matolong a ka le go thoma go rapela go fihla ke phagamela godimo go sona. Ke ya ka! Modimo o e tshepišitše. Phodiso Kgethwa, Maatla a Modimo, mehlolo ye yohle le maswao le matete, O e tshepišitše.

¹³⁹ O re, “Ngwanešu Branham, dilo tše di šoma bjang?” Ka tshepišo ya Modimo. Amene.

¹⁴⁰ Peu ya Abraham! Letago! Ke ikwela gabotse. Nka no lebelelega bogafa le go dira bogafa, eupša e no ntlogela ke nnoši. Ke ikwela bokaone ka tsela ye go feta ke dirile ka tsela ye nngwe. Le a bona?

¹⁴¹ Tema ya 14, re ya go Abraham, bjale re hwetša ka go tema ya 14 se se diregilego. Dikgoši di theoga go tšwa dikarolong tša go fapano tša naga, gomme di be di kopane le dikgoši tša Sodoma, le go ya ka gare le go tše Sodoma, ba tšere Loto; ngwanabo Abraham ka go Morena, ba mo tšere, ngwanabo yo bolelo wa kerekelinea, gomme ba tloga le yena. Bjale, elelwang, Modimo o be a sa tšo botša Abraham gore se sengwe le se sengwe ka nageng e be e le sa gagwe.

¹⁴² “Gomme ba boleta ba tla tše lefase ya ba kabelo.” O re re a hlanya? Go ya go tše lefase, se se lego lefaseng! Nnete, re ba mojabohwa wa lona.

¹⁴³ Lebelelang Sathane, o rile go Jesu, “Ge O ka wela fase gomme wa nthapela, ke tla Go fa lefase le.” Mebušo yohle yohle e laolwa ke diabolo, wo mongwe le wo mongwe wa yona. Jesu o boletše bjalo. Beibele e a e bolela. Setšaba se sengwe le se sengwe le mmušo wo mongwe le wo mongwe o laolwa ke diabolo. Gomme Sathane o rile, “Ke mong wa ye. Ye ke ya ka. Ke tla Go fa yona ge O ka nthapela.”

¹⁴⁴ Jesu o tsebile O ba Mojabohwa go yona ka Mileniamong, kafao O rile, “Tloga morago ga Ka, Sathane.” O tsebile gore O be a le Mojabohwa go yona.

¹⁴⁵ Gomme lehono ba bolela ka batho ba go gafa ba rapela Morena le go tswalwa gape. Ba boifa gola “go tswalwa gape.” Ba no se rate kgopolo yeo, gomme ba dirile se sengwe kemedi ya yona. Ye nngwe ya tšona e na le kemedi ya go šišinya seatla; ye nngwe, meetse a mannyane; ye nngwe, o ntšhetša leleme la gagwe ntle le go tšea seripa sa borotho; ye nngwe, o bina go dikologa lebatong. Ke Tswalo! Bjalo ka ge ke boletsé bosegong bjo bongwe, “Tswalo ke tlhakahlakano, ga ke kgathale mo e lego. Ge e le ka hokong ya kolobe goba kamora ya sepetlele, ke tswalo, ke tlhakahlakano.” Gomme go bjalo ka Tswalo ye mpsha, E a go ripaganya, eupša go tšwa go tlhakahlakano yeo go tla Bophelo bjo boswa. Amene. Ee.

¹⁴⁶ Abraham o tsebile gore se sengwe le se sengwe e be e le sa gagwe, kafao kagona ge Loto a etla ka gare, o rile, “Bjale ema motsotso.” Loto o be a thopilwe ke diatla tše šoro tša lenaba. O rile, “Yoo ke ngwanešu wa ka, gomme ke tla ya ka morago ga gagwe.” Bjale elelwang, go be go le e ka ba dikgoši tše šupa goba tše seswai kua di ilego mmogo, le go tla fase le go tšea se sengwe le se sengwe le go swiela ntle le sona. Gomme ge ba ile ntle, Abraham o tšere bahlanka ba gagwe gomme o ile ka morago ga gagwe, go buša morago ngwanabo yo a lahlegilego. Yoo ke Mokriste wa kgonthe, o ile ka morago ga ngwanabo yo a lahlegilego! O dirile eng ge a mo hweditše? O bolaile dikgoši; gomme a bowa morago, a tlisa ngwanabo, ka morago ga ntwa.

¹⁴⁷ Lebelelang, go be go le Kgoši e tee e ttilego go mo gahlanetša, a etla morago, Melekitsedeke. Melekitsedeke, O be a le eng? O be a se na le tate, O be a se na le mme. Ga se A ke a tswalwa, Yena ga se a ke a hwa. Ntle le tate, ntle le mme, ntle le mathomo a matšatši goba bofelo bja bophelo. (E be e se Morwa wa Modimo; gobane O bile le Tate le mme, bobedi ba tswetšwe le go hwa, le go tsoga gape.) Eupša Monna yo ga se a ke a tsoge a ba le tate le ge e le mme, Yena ke Modimo! Nnete, Ke Selo se nnoši e lego sa Gosafelego.

¹⁴⁸ Gomme O kopane le Abraham ka morago ga ge ntwa e fedile, a e laetša go Peu ya Abraham; ka morago ga ge re eya ka morago ga ngwanešu yo a welego, gomme ntwa e fedile. Melekitsedeke o dirile eng? Beine le borotho, selalelo. Amene. Ge ntwa e fedile,

ngwanešu! Go tla morago, go tliša ngwanabo yo a lahlegilego morago gae gape, go mmušetša morago. Gomme ge ntwa e fedile, Melekitsedeke o kopane le yena le go mo fa selalelo. Jesu o rile, “Nka se je goba go nwa kenywa ya morara gape go fihla Ke e ja ka boswa le lena ka Mmušong wa Tate wa Ka.” Ee, mohlomphegi. Bjale ntwa e be e fedile, Abraham o be a tlide morago, tema ya 14; gomme Mofenyi o kopane le yena, ge a be a etla ka gare le Mofenyi.

¹⁴⁹ Genesi 15 bjale, pele re tswalela, gobane ke nako ya go tswalela bjale. Theetšang selo se tee gape pele re eya.

¹⁵⁰ Gomme ke tla swanela go tšeay eosasa bošego gape, gobane ke no se be le thuto ya ka, ke fihla lefelong la ka go le bjalo, go *Jehofa-Jireh*. Ke nyaka go e iša tlase kua, ge Morena a rata.

¹⁵¹ Bjale go tema ya 15, ke na le fa gore kgwerano e tiišeditšwe go Abraham, tiišetšo ya kgwerano. Ka mantšu a mangwe, ke ge Modimo a enne, gomme ge Modimo a dirile tshepišo le go tiišetša tshepišo go Abraham. Ka go tema ya 15, re hwetša yeo, tiišetšo ya keno yeo Modimo a e boletšego.

¹⁵² Abraham o rile go Modimo, “Mojabohwa wa ntlo ya ka o sa le Eleasara yo wa Damaseko.”

¹⁵³ Gomme O rile go yena, “Eupša yoo ga se mojabohwa wa gago, ka gore ke yo motee go tšwa maleng a gago mong ke mojabohwa wa gago.” Gomme O mo tshepišitše.

O rile, “Ke tla tseba se bjang?”

¹⁵⁴ Oo, bjale, baena, sese se sengwe seo se tla le phafošago! Šetšang Ÿena. O rile, “Eya go Ntšeela pudi ya mengwaga ye meraro ka bokgale, sethole, mengwaga ye meraro ka bokgale, le kgapa ya mengwaga ye meraro ka bokgale.” Gomme Abraham o di tšere, gomme mokurunyane ye mebedi . . . mokurunyane le leebana.

¹⁵⁵ Bjale, mokurunyane le leebana di na le kemedi; diphoofolo tše tša mengwaga ye meraroka bokgale, gomme fao go be go le tše tharo tša tšona. Bjale O ya go dira kgwerano, go tiišetša kgwerano. Bjale theetšang sekgauswi, le se e foše. Gomme ka gona re tla topa godimo eosasa bošego ge A kopana le yena mo gape, Morena ge a rata. Šetšang.

¹⁵⁶ Bjale O rile, “Ntšeela se—se sethole sa mengwaga ye meraro, pudi ya tshadi ya mengwaga ye meraro, le kgapa ya mengwaga ye meraro, leebana, le mokurunyane.”

¹⁵⁷ Gomme Abraham o ile gomme a tšeay diphoofolo, gomme a di ripa seripa gomme a di robatša, seripa go seripa; eupša mokurunyane le leeba, ga se a aroganya mokurunyane le leebana. Mokurunyane le leebana ke lapa la go swana. Kafao seo se emetše phodišo Kgethwa, ye ka go yona bobedi e lego ka tumelo, le a bona, gore ba fodile; feela yo motee go yo mongwe, yo mongwe. Ge kgwerano ya kgale e bile le phodišo Kgethwa ka go yona, ke

bontši gakaakang Yena yo a nago le yona! Le a bona, ge sehlabelo sa kgale se bile le phodišo, go reng ka yo Motee yo a lego kaonana kudu! Le a bona?

¹⁵⁸ Bjale, eupša hlokomelang se a se dirilego fa. O tšere diphofolo tše tharo tše gomme a di ripa go arogana, gomme a di bea, seripa ka seripa. Gomme ka gona Abraham a boela morago. Bjale, seo e be e le sehlabelo. Gomme o bogetše go fihla letšatši le be le dikela. Gomme dinonyana di tla fase go tšwa sebakeng, godimo ga sehlabelo sa Abraham, manong. Gomme Abraham o a lelekile, o a kgesitše.

¹⁵⁹ Se ke sekai sa eng? Peu ya Abraham ka letšatšing la mafelelo, e rakela bodiabolo ntle go tšwa go Sehlabelo, go rakela kgole go tloga go Sehlabelo. Modimo o e tshepišitše, Sehlabelo, Kriste, wa go swana maabane, lehono, go ya go ile, le yona meboya yohle ya gosedumele e leka go Se metša. Monna wa Modimo, Peu ya Abraham, o eme fale a lelekela bodiabolo ntle, kgole go tloga go Sona! Go tiisetša kgwerano bjale, tiisetšo, go bontšha gore Peu ya Abraham ka go . . . ke ra Peu ya segosi ya go botega. Elelwang, peu ya tlhago e šitilwe, gobane e amogetše molao sebakeng sa Lentšu la mogau. Gomme go bjalo le ka go ye “go kgesa,” ka go Bantle mo letšatšing la mafelelo. Eupša fao go Peu, Peu ya bogosi le Lentšu, e eme therešo, e rakela bodiabolo ntle, e dira maswao a magolo le dimaka, go tloša gosedumele gohle go tloga go Lentšu, go boloka Sehlabelo se hlwekile, go boloka Lentšu le lekgethwa, go Le boloka le hlomphiwa; e sego go bea e ka ba eng le Lona, go oketša e ka ba eng go Lona; go no se tloša, go ema go hlapetša, go se dumelele selo go Le kgwatha.

¹⁶⁰ Bjale hlokomelang, fao go tlie boroko bja go teba godimo ga Abraham, lehu. Gomme ka morago ga boroko bja go teba, o bone leuba la mollo, e lego hele, e tupa muši, yeo modiradibe yo mongwe le yo mongwe o swanetše go ya go yona. Eupša pele ga fao go tšwile Seetša se sennyane se sešweu. Šetšang Seetša sela se sennyane se sešweu, se ile magareng le go aroganya dihlabelo tše, se ile magareng ga sona, Modimo o dira tiisetšo gore ke eng A tla e dirago ka Peu ya Abraham.

¹⁶¹ Bjale, Bajuda ka mehla ba dumetše Modimo o be a le Yena. Gomme Modimo ke Yena. Eupša O be a bontšha fa, ka dihlabelo tše tharo tše tša go hlweka, gore thrinithi ya Modimo e tla emelwa ka go yo Motee ka go Bomodimo mmeleng.

¹⁶² Bjale hlokomelang ka go matšatši a kgale—a kgale, ka go matšatši a ka bohlabela, ge kgwerano e be e dirwa, še tsela ye ba e dirilego. Boka, re tlie gomme re bolaile phoofolo, re arogantše phoofolo ka bobedi, gomme re eme gare ga phoofolo, gomme fao re ngwadile kgwerano. Bjale ka China . . .

¹⁶³ Ka fao ka Japane, ge ba dira kgwerano, ba hwetša letsawai tsoko gomme ba ema le go dira tshepišo ya bona, gomme ba fošana ka letsawai seng sa bona. Yeo ke tsela ka Japane, ba dira

kgwerano, ba fošetša letswai. Letswai ke go noka, le a bona. Gomme ba fošetšana letswai seng sa bona, yeo ke—yeo ke—ke kgwerano.

¹⁶⁴ Bjale ka Amerika, ka fao re dirago kgwerano, re ya ntle le go ba le mokgemo go ja, le go šikinya diatla, “Mphe seatla sa gago, mošemane. A go a dumelelanwa?” “Go a dumelelanwa!” Yeo ke kgwerano.

¹⁶⁵ Eupsa mo nakong ya kgale, mo nakong ya Abraham, ka tsela ye ba dirilego kgwerano e be e le go bolaya sehlabelo, le go ema gare ga sehlabelo se; gomme ka gona, ge ba dirile, ba ngwadile kgwerano godimo ga mokgopa wa kwana, morago ba o kgeitše. [Ngwanešu Branham o kgeila seripa sa pampiri go swantšha—Mor.] Yo motee o tšere seripa se tee, gomme yo motee o tšere se sengwe. Bjale ge kgwerano ye e tiišeditšwe le go tlišwa mmogo, go be go se yo motee a ka kgonago go ekiša yeo. Le a bona, e swanetše go tswalagana, leletere ka leletere, feela tlwa ka tsela ye e bego e le. Seo se laetša gore mong wa maleba wa seripa se o na le karolo, ye ke kgwerano ya go swana, gore di swanetše go tla mmogo le go tswalagana feela go swana tlwa.

¹⁶⁶ Gomme Modimo o be a bontšha fale go Abraham, gore ka Peu ya gagwe, gore Modimo Yenamong o tla ba nama gomme morago a swanela go aroganywa kua Khalibari; moo Kriste, a le Modimo lefaseng, O be a arogane. Modimo o Mo kgeitše go arogana, Peu ya bogoši ya Abraham, gomme o tšere Bophelo go tšwa go Yena; le go tsoša Mmele, godimo go dula godimo ga Terone ya Gagwe ka Legodimong; le go romela morago Moya wa Gagwe godimo ga Kereke, gore Kereke e swanetše go ba le Moya wa go swana—wa go swana o bego o le ka go Kriste go e dira e tle mmogo, go dira Kriste wa go swana maabane, lehono, le go ya go ile! Tiišetšo ya kgwerano, Modimo o tiišetša kgwerano. Modimo a aroganya, a kgeila Bophelo go tloga go Kriste, Morwa wa Gagwe, a tsea Moya go tšwa go Yena; ge A ripa diphoofolo tše ka bobedi, a eme gare ga diphoofolo. Seetša, Modimo ka Boyena, o ile gare ga tšona, a laetša gore O arogantše Mmele: Peu, Peu ya bogoši; gomme o tšere Moya gomme o O rometše morago godimo ga Kereke. Gomme Kereke ya lehono yeo e yago go kopana le Kriste, e tla swanela go ba le Moya wa go swana woo A bilego le ona, gobane e swanetše go ba Leletere ka Leletere, Lentšu ka Lentšu. Gomme Yena ke Lentšu! Jesu o rile, “Yena” (lešalašala) “yo a dumelago ka go Nna, mediro ye Ke e dirago o tla e dira le yena.” Go tiišetša kgwerano, Bophelo bjo bo lego ka go Kriste bo tla ba ka Kerekeng, Peu ya bogoši ya Abraham.

¹⁶⁷ Nakwana, baena, ka Pentecost. Ge ba be ba le ka kamoreng ya godingwana... Ge o kile wa ba fao gomme wa bona seswantšho sa nnete, ka tsela ye se thadilwego, ba ile go dikologa kgato ka ntle gomme ba ile godimo go kamora ya ka godingwana. Ba be ba ne dikerese tše nnyane tša oli ya mohlware di eswa. Ba be ba le godimo fale lebaka la matšatši a lesome le mašego, ka

mabati ohle a tswaletšwe. “Gomme ka pelapela go tlie modumo go tšwa Legodimong boka phefo ye maatla e tšutlagoo, O tladičse ntlo yohle moo ba bego ba dutše. Maleme a maphakga boka mollo, maleme a maphakga a mollo, a dula godimo ga yo mongwe le yo mongwe wa bona. Bohle ba be ba tladičse ka Moya wo Mokgethwa, ba kitimetše ntle ka kgorong, ba bolela ka maleme a mangwe.”

¹⁶⁸ Hlokamelang, Mollo wo wa maphakga e be e le eng? E be e le Pilara ya Mollo, Moya wo Mokgethwa, Modimo, Morongwa yo a ba etilegopele go kgabola lešoka, yo Motee yo a dirilwego go bonagala pele ga bona. Modimo o be a ikarogantše Yenamong le go ikaroganya Yenamong magareng ga batho, Moya wo Mokgethwa, gomme mmogo re Kereke ya Modimo yo a phelago. Kgwerano! “Abraham le Peu ya gagwe ka morago ga gagwe, Peu ya bogoši.” Bjona Bophelo bjo bo bego bo le ka go Kriste, ka Kerekeng, bo dira mediro ya go swana ye Kriste a e dirilego. Amene. A selo sa go makatša, bagwera!

¹⁶⁹ E no ba nako, ke no swanela go tswalela se. Ee, ke ya go ba thari kudu. Ke tla . . . A go tla loka ge ke e topa gosasa bošego thwi fa? Ke nyaka go fihla go *Jehofa-Jireh* gampe kudu. Eupša ke nyaka le bone gore se e lego sona, gore selo sa go ipolela go ba Mokriste, baena, ke nako ye kereke e hweditše . . . Ge Modimo a dirile ditshepišo tše, ke therešo. Di swanetše go tla go phethega.

¹⁷⁰ A re inamišeng dihlogo tša rena nakwana feela. Se se makgwakgwa le bothata. Se a ripa. Ga ke nyake go dira seo. Modiredi yo o rile go nna, o rile, “Ngwanešu Branham, gobaneng semangmang, o dira seo?”

¹⁷¹ Ke rile, “Ga ke ne mananeo a thelebišene go thekgwa, seyalemoya. Ke no ya ka mokgwa wo, moo nka yago e ka ba kae.” Ke rile, “Ke mang a yago go ba botša? Go swanetše go ba segalontšu felotsoko go e bolela.”

¹⁷² Bjale Modimo o mo, bagwera. Gomme ge o ipiditše ka bowena Peu ya Abraham, gomme o nagana gore o . . . Bjale o se ke . . . Theetša, ke soulo ya gago, mogwera. Ke soulo ya gago. O se ke wa leka mahlatse a a itšege ka yona, ka gore bošego bjo e ka no ba nako ya mafelelo ge o hwetsa sebaka go yona. Ge o lewa ke dihlong ka bophelo bja gago, o ipitša ka bowena ngwana wa Modimo, le go phela ka tsela ye o phetše; gomme o a dumela gore Lentšu la Modimo ke therešo, gomme o phošitše, ke nyaka le no rapela bakeng sa nakwana, kgopelang Modimo go lekola bophelo bja lena. Nno rapelang.

¹⁷³ Tate wa Magodimong, bjo e ka kgona go ba bošego bja mafelelo go ba bantsi ba rena. Re a nagana, mašego a se makae a go feta ka Los Angeles, mokgekoloo wa mengwaga ye masomešupa o dutše fale, gomme o sepeletše godimo aletareng gomme a fa bophelo bja gagwe go Kriste. Bošegong bjoo o hwile malaong. Mogau wa Modimo, iri yela ya mafelelo. Ka morago

ga go phela mengwaga yela yohle ntle le go Mo tseba, morago o mmiditše ka iri ya mafelelo. Mogau wa go makatša.

¹⁷⁴ Tate Modimo, bolela le dipelo mo bošegong bjo. O tseba maikemišetšo a se. O a tseba, Tate, go—go swanetše go tla nako yeo se sengwe se swanetšego go dirwa. Re—re bona seemo, le tsela ye se befago nako yohle. Gomme re a lemoga gore lebaka la kereke ya Pentecostal, ka matsatšing a mafelelo, ke Lebaka la Kereke ya Laodikia, yona e nnoši yeo Kriste a beilwego ka ntle ga kereke, a eme, a kokota a leka go tsena ka gare. O Modimo, eba kgaojelo.

¹⁷⁵ Gomme bjalo ka ge ke kgadile dikgaetšedi tša rena bošegong bjo, Morena, go ba dira ba tsebe gore morago kua mathomong, ge e thomile ka, e be e le Efa. Gomme še yona gape. Ebangedi e tlide ka gare ka Lentšu, le ka fao a dirilego se a se dirilego (le go lebelela lehono) ka go fa mabaka; lebelela mmagwe, se a bego a gopolia gore se be se fapania, Beibele ye e swanago.

¹⁷⁶ Modimo, banešu ba rena, bjalo ka ge ke ile ka swanela go bolela le bona makgwakgwa, Morena. Ke a fišega, ke—ke—ke a ba rata. O a tseba ke a dira, Morena. Ke—ke—ke beile mengwaga ye masometharo tee fa bakeng sa bona, gomme O tiišeditše Lentšu la Gago, le se sengwe le se sengwe gape. Morena, ga ke tsebe ke dire eng gape. Eupša ge ke bona kereke ye ke e ratago, kereke ya Pentecostal, ye tee ye e emego ka morago ga ka le go nthekga; Modimo, ke lerato la Bokriste leo le Go dirago o ripe bobe go tloga go yona. Ke lerato leo le Go dirago go dira seo, Tate. O a tseba ke yona. Gomme ke leka go botša batho, “Le se ke la leka go ya ntle kua, go dira dilo tše.” Ma—ma mapheko a hlephišitšwe, gomme re phaphašitšwe go kgabola dithutotumelo tša rena tša go fapania le dilo tše re di tlisištšego ka kerekeng, le go ya kgole go tloga matsatšing a mehlolo, go ya kgole go tloga go phodišo Kgethwa, re ya kgole go tloga go tse—tse tsela ye batho ba swanetšego go dira le go apara.

¹⁷⁷ Gomme O dirile kgwerano le Adama, le e tee le Efa; O beile kgwerano ya go fapania, le go fapania gohlegohle, gomme o rile e be e le phošo go mosadi go dira boka monna. O tla ba bosadi. O swanetše go ba bosadi gomme e sego bona. Gomme lehono o leka go ba bona; monna, bosadi.

¹⁷⁸ Morena, gomme—gomme se thwi fa mo matšatšing a mafelelo, thwi mo ka Lebopong la Bodikela, thwi mo ka mafelelong a tlhabologo, re hwetša basadi ba dira tlwa tshenyego bjalo ka ge ba dirile mathomong. Gomme še yona, e tsene magareng ga dikgaetšedi tša rena. O Modimo, seo se no roba pelo ya ka, Morena. Gomme ke a tseba ge se ka ntira (modiradibe) go ikwela ka tsela yeo, se dira eng go Wena, go bona ka fao seo se bago modimogadi. Gomme matsaka a makgethe a a Hollywood ya sebel! Gomme go be go fela go eba phošo go bona go ya dipontšhong tša diswantšho, morago diabolo o e lahletše thwi ka

ntlong ya bona, le—le mehuta yohle ya mananeo a go se hlokolwe, le mahlapa mo mokgotheng.

¹⁷⁹ Gomme, O Modimo, ke—ke nako ya bogaswi. Ke nako ya bohlanya. Ke—ke nako ge motho a ka se eme le go theetša, le go hlodišša. Gomme ka tlase ga maikutlo, le go ya pele, ba sa tteleima go ba Peu ya Abraham. Modimo, ka fao O rilego e tla ba, meboya e tla batamelana kudu mo matsatšing a mafelelo, ka dikekiko, go fihla e nyakile go fora Bakgethiwa, ge go be go kgonagala. Gomme še yona. Modimo, o se dumelele batho ba, o se dumelele yo motee go dira seo. Hle, Tate. Ke a ba rapelela, yo mongwe le yo mongwe. Leineng la Morena Jesu, e fe.

¹⁸⁰ Bjale ge re sa ne dihlogo tša rena di inamišitšwe. Ke tla le direla e ka ba eng. Gomme ge ke kgakgamolla batho go no ba swele, Modimo a ka se tsoge a ba le nna; Ga ke na maswanedi go ba mo, ke na le maswanedi go ba ntle mošola felotsoko go rema dikgong goba se sengwe. Eupša, bagwera, yeo—yeo ke therešo, e puruputšeng gomme le bone ge eba ga se Lengwalo. Gomme le swanetše go utollwa ka letšatšing le la mafelelo.

¹⁸¹ Bjale a o hlokofetše go lekanelo? A ka kgonthe le, tlase ka tlase ga llaga yela ya ka ntle, a go ne sa kgonthe sa mmapale se sengwe ka ga gago, gore o rata go amogela gore o phošo? Ge hlogo ye nngwe le ye nngwe e inamišitšwe, pelo ye nngwe le ye nngwe, le boineelo bja go teba, a o ka phagamišetša seatla sa gago godimo, o re, “Nthapelele, Ngwanęšu Branham. Ke phošo. Ka mogau wa Modimo ke ya go lokiša”? Modimo a go šegofatše, wena, wena, wena. Seo ke therešo, bea seatla sa gago godimo, O a se bona. Ka maphagamong, Modimo o a go bona. Phagamišang diatla tša lena. A le—le . . . Yeo ke yona.

¹⁸² Bjale *fa* go ba bangwe ba lena basadi le dutšego fa ka moriri wo mokopana, gomme ga le na seatla sa lena godimo. Bothata ke eng ka wena? O phošo! O se ke wa leka go kopana le Modimo ka mokgwa woo. O tla ahlolwa ka kgonthe bjalo ka ge ke eme ka go phuluphithi ye. Le ra gore kereke ya Pentecostal e tsene ka sebopegong se sebjalo gore e—e—e gwahlafetše bjalo go fihla e lewa ke hlong go amogela ke phošo? Le se ke la dira seo. Modimo a be le kgaogelo go lena.

¹⁸³ Ke a dumela. Eba le tumelo. A nke ke lete gape. Modimo a go šegofatše godimo fale, hani. Modimo a go šegofatše, kgaetsedi. Seo ke se sebotse. Bea godimo . . . Seo . . . Modimo a go šegofatše. Seo ke therešo. Le ka no e amogela bjale; mo mosong go ka no ba thari kudu, iri go tloga bjale go ka no ba thari kudu. Modimo a le šegofatše. Seo ke tlhokofalo. Modimo a go šegofatše. E re, “Ke phošo.” Go tsea motho wa kgonthe go amogela gore ba phošo. Seo ke sa mmapale se sengwe. Modimo a go šegofatše, mohumagadi. Modimo a go šegofatše, mohumagadi. Modimo a go šegofatše. Yeo ke nnete. Ee, e no tšwelapele o rapela. Modimo a go šegofatše. Ge ke foša go bona seatla sa gago, ga A dire. O tseba kgopololo ye

nngwe le ye nngwe ye e lego ka monaganong wa gago. Yeo ke nnete tlwa. Modimo a go šegofatše, ke bona seatla sa gago. Seo ke se sebotse. Modimo a go šegofatše, mohumagadi yo moswa. Modimo a go šegofatše, kgaetšedi. Seo se lokile.

¹⁸⁴ Modimo a go šegofatše fao, mohumagadi yo moswa. Ee, go phekogoga ga ditsela tša bophelo. Pele dilo tše tša kgale di gwahlafatša pelo ya gago ye mpsha, retologela go Modimo bjale, hani. Yeo ke nnete, o a e dira. Ke na le morwedi yo monnyane godimo kua a ka ba mengwaga ya gago. Modimo a go šegofatše, hani. Modimo a go šegofatše. Ee, Modimo a go segofatše, kgaetšedi.

¹⁸⁵ Go reng ka wena, ngwanešu? Dihlong go wena, o dumelela mosadimogatša wa gago go dira ka mokgwa woo le go apara dišothi, le go apara ka mokgwa woo le go ya mokgotheng. O ipitša wenamong morwa wa Modimo? A ga o lewe ke dihlong ka bowena? Modimo a go šegofatše. Modimo a go šegofatše, mohlomphegi. Modimo a go šegofatše. Yeo ke nnete, amogela o phošo. Ya. Ge o . . .

¹⁸⁶ “Yo a khupetšago sebe sa gagwe a ka se atlege; yo a ipolelago sebe sa gagwe o tla gaogelwa.” Modimo a le šegofatše. Gape? Morago ka bophagamong, godimo kua ka bophagamong. O a go bona godimo kua. O tseba kgopolو ye nngwe le ye nngwe ye e lego ka pelong ya gago.

Bjale emišang dihlogo tša lena motsotso feela.

¹⁸⁷ Ke re go na le e ka ba masometlhano goba masometshela ka kamoreng ye ba išitšego diatla tša bona godimo, baswa le batšofe. Ke a le leboga. Yeo ke kgonthe mohumagadi le mokgomana. Ke a le thabela. Go ne—go ne dikholofelo go wena ge o rata go amogela o phošo.

¹⁸⁸ Pele ke dira pitšo ya aletara, ke ya go rapelela disakatuku tše.

¹⁸⁹ Tate wa Magodimong, disakatuku tše di emela batho ba go babja, bomme le botate bao ba letilego, bana. Nako ye nngwe, re a rutwa ka Beibeleng, gore ba ile ba tše go tšwa mmeleng wa Mokgethwa Paulo disakatuku le dithethwana. Batho ba mmone, ba tsebile gore Moya wa Modimo o be o le godimo ga gagwe. Paulo o eletšwe gore Elisa o boditše mosadi wa Mosunami, yo a boditšego Gehasi, “Tšeа lepara le gomme o le bee godimo ga ngwana.” O tsebile gore se a se kgwathilego se be se šegofaditšwe. Paulo, ba tšere go tšwa mmeleng wa gagwe disakatuku le dithethwana, gomme meoya ya ditšila ya tšwa go batho, malwetši a tlogile. Bjale, Morena, ga se rena Mokgethwa Paulo, eupša O sa le Modimo, Modimo wa go swana.

¹⁹⁰ Letšatši le lengwe Israele e be e le tseleng ya yona thwi ka mothalong wa mošomo, e eya nageng ya tshepišo. Gomme se sengwe se e ripa go tloga go naga ya tshepišo, Lewatle le Lehubedu. Mongwadi yo mongwe o rile, “Modimo o lebeletše

fase ka Pilara yela ya Mollo, ka mahlo a pefelo, gomme lewatle la tšhoga, gomme le tokološeditše morago maboto a lona le go bula tsela ya go oma bakeng sa Israele go kgabaganyetša mošola go naga ya tshepišo.”

¹⁹¹ Modimo, ge disakatuku tše di tšewa go ya go balwetši le batlaišwa, a nke Modimo wa Legodimo a lebelele fase ka Madi a Morwa wa Gagwe Mong, a nke diabolo, yo a swerego bona batho ba go babja, a tšhoge le go tloga ge disakatuku tše tša dika tša kopano ye bošegong bjo, moo Lentšu le Therešo di tlišitšwego go phethega; balwetši le batlaišwa ba dirwe go loka; dipelo tše di robegilego, le go ya tlase Ntlong ya Mmopi mo metsotsong e se mekae; efa gore diabolo o tla tloga, gomme batho ba tla tshelela mošola ka go naga yela ya go phelega go gobotse Modimo o ba tshepišitše. Ke romela disakatuku tše, Leineng la Jesu Kriste, bakeng sa morero woo. Amene.

¹⁹² Gomme Modimo o tseba pelo ya gago. O tseba seemo sa gago. Go no laetša; le go ntumelela ke le botše, go na le sehlopha se segolo sa batho ka mo ba ba sego ba phagamiša seatla sa bona, bao ba swanetšego go be ba se emišitše. Bjale, ge ke go bitša thwi go tšwa sefaleng se, ka bolela o mang, go tla gobatša maikutlo a yo mongwe. Bjale, le mpone ke dira seo makga a mantši. Ke hweditše, Jesu o rile, “A nke ngwang le korong di gole mmogo. Barongwa ba tla tla le go tlema mefoka le go e tšuma, pele.”

¹⁹³ Gomme ke nako ya go tlema bjale. Yo mongwe le yo mongwe wa bona o ya ka go mohlakanelwa wa dikereke, dikerekemaina tšohle. Yeo ke nnete. Yeo ke nnete. Liki ya Lefase, Khansele ya Dikereke, kerekeleina ye nngwe le ye nngwe e gogela thwi ka go yona, selo se segolo se a kgatlampana. Bohle ba bona ba etla morago Roma feela bjalo ka ge ba tshepišitše, “seswantšho se se diretšwego sebata,” maatla, kopano ya dikereke, feela tlwa se Modimo a rilego se tla direga. Šebale fale, ba go tlogela o sepele, le go go botša go lokile go dira se, le go boifa go bolela e ka ba eng ka yona, ba boifa e tla kgeila thekethe ya bona ya dijо felotsoko.

¹⁹⁴ A ke go botše se sengwe, ngwanešu wa ka, kgaetšedi, Modimo a go utollele gore ke a go rata. Ga se go fapania; ke go botega. Le se ke la leka mahlatse. O ka se ke wa tshela lebone le lehubedu, ka baka la mmele wa gago. Go reng ka soulo ya gago? O se ke wa tshela le tee la mabone a mahubedu a Modimo.

¹⁹⁵ Ba bangwe ba lena ba a babja. Dumela ka pelo ya gago yohle. Yo mongwe yo a tlaletšwego ka go se sengwe, e no ba le tumelo. Ke tla le laetša ge eba ka kgonthe O, ge eba ke Therešo goba aowa. Abraham, le elelwia Morongwa o tla go yena le se A se dirilego? Bonang ge eba ke selo sa go swana.

¹⁹⁶ Mohumagadi yo monnyane šo o dutše thwi mo, thwi ntle mo, o na le kankere. O na le sekutu, gomme o godimo go ya karong. O ntebeletše bjale, le tšona dipheta tše khubedu go dikologa molala wa gagwe. O tšwa Portland. Eupša ge o ka . . . Ge yeo e le nnete,

phagamiša seatla sa gago. Yeo ke nnete. Le a bona? Ga ke go tsebe, re basetsebane. Eupša yeo ke therešo. Bjale o ka kgona bjang go dula fale, ka tumelo ya go lekanelo go kgwatha kobo ya Kriste ge Morongwa yola wa Seetša a etla godimo ga gago ka mokgwa wola, mogau wa Modimo? O amogele, mohumagadi. O dumele. E sego feela seo, eupša dumela Ebangedi yohle.

¹⁹⁷ Mo go dutše mosadi o dutše thwi morago mo. Lebelela mo, mohumagadi. O tlaišega ka bothata bja lelalegolo. Dumela ka pelo ya gago yohle. Ee, o mosetsebje go nna. Dumela ka pelo ya gago yohle, gomme o be gabotse.

¹⁹⁸ Go ne monna o dutše hleng le wena, o swanetše go ya gae. A ka se dule botelele kudu. O ne bothata ka ditsebe tša gagwe. O na le bothata ka . . . O bile le go mokgohlwane, gomme o hlotše go kgohlola. A ka se kgone go e tshela, ke—ke mohuta wa bo—bo bontši bja dithakathakano di beilwe ka gare. Yeo ke nnete, mohlomphegi. O šoma go mohuta wo mongwe wa semela go swana le misaеle goba se sengwe go swana le seo. O swanetše go ya morago mošomong wa gago. Ke nna mosetsebje go wena. Ge dilo tšeо e le therešo, phagamišetša seatla sa gago godimo. Go lokile. Ge o na le tumelo go lekanelo go kgwatha Morena Jesu, gobaneng o sa be monna wa kgonthe le go e dumela ka pelo ya gago yohle?

¹⁹⁹ Go na le mohumagadi o dutše morago kua, o na le mohuta wa bolwetši bja letlalo godimo ga diatla tša gagwe. Ebile ga a tsebe se e lego. Ngaka ebile ga a tsebe se e lego. O bile le bjona lebaka la mengwaga le mengwaga. Oo, o ya go le foša, ka nnete bjalo ka lefase. Mohumagatsana Daniels, McDaniels. Ke wena yoo. Ida McDaniels, dumela ka pelo ya gago yohle. Ga ke tsebe mosadi, ga se nke ka ke ka mmona. Eupša go ne Seetša godimo ga gagwe.

²⁰⁰ Ke Eng? O a go tseba! Gomme O a tseba gore o phošo! Modimo yo a swanago yo a bolelago ka nna ka tsela ye, o bolela ka nna ka Lentšu.

²⁰¹ Bjale, yo mongwe le yo mongwe ka mo yo a lemogago Bogona bja Modimo, le go tseba gore o be o le phošo, a re tleng aletareng bjale. Etlal godimo mo motsotsa feela, a nke ke go rapelele. Ge o tseba o be o le phošo, o nyaka go ipolela o phošo. O nyaka go ba Mokriste wa kgonthe go tloga bjale go ya pele, etla godimo fa go dikologa aletara. Ke no se nyake go bitša leina la gago, go—go ka se be go swana le Bokriste. Godimo kua bophagamong, etlang tlase, se ke sebakabotse sa lena. Etlal fase bjale! Etlal aletareng, o re, “Ke etla, Morena.” Modiradibe, o dira tsela ya gago go ya aletareng, se e ka no ba sebakabotse sa gago sa mafelelo. A o ka se tle bjale ge re . . . okene e bapala gabotse, “Ke etla, Morena, ke tla bjale go Wena.” Go lokile, yo mongwe le yo mongwe opela bjale.

Ke a tla, Morena!
Ke tla bjale go Wena!

²⁰² A le ka se tle? Etlang fase go tšwa bophagamong, etlang fase. Etlang godimo. Go reng ka lena, lena batho bao le ipolelago go ba Bakriste, Peu ya Abraham? Modimo a le šegofatše, basadi. Modimo a le šegofatše, dikgaetšedi tša ka. Ee. Modimo ka kgonthe o tla e hlompha. O a botega. Mohlomongwe modiša wa gago o štilwe go go botša seo. Eya gae gomme o hwetše Beibele ya gago, gomme o hwetše ge eba ke nnene, goba aowa. Le a tseba ke nnene, pele ebile ke bolela e ka ba eng. Lena basadi ba Pentecostal, le ka se apare meikapo bakeng sa e ka ba eng. Ga go selo ka Beibeleng ka ga meikapo; Isebele a nnoši, o meikapile sefahlego sa gagwe le dilo, ka pente le dilo. Eupša fao go ka Beibeleng ka wena o apere moriri wo motelele, “Ke selo sa go se hlamatsege go mosadi ebile go rapela ka hlogo ya gagwe e kotilwe, moriri o kotilwe.”

. . . go Wena!

²⁰³ O nyaka go loka le Modimo, ka Bogoneng ge A le mo? Etla godimo! Emelela, dira go Mo emela! Emang ka maoto a lena gomme le tle fase, le re, “Ke etla. Ke ya—ke ya go dira pontšho. Ke nyaka lefase ka moka go tseba gore ke phošo, gomme ke nyaka go loka pele ga Modimo.” Etla pele bjale!

Ke a tla, Morena!

Ke tla bjale go Wena!

Ntlhwekiše, ntlhwekiše ka Mading

Ao a etšego go tšwa Khalibari.

Gape, yo mongwe le yo mongwe!

Ke a tla . . .

Ke tla. Go na le bontši ntle fale, elelwang. Ee, yeo ke nnene.

. . . nna, ntlhwekiše ka Mading a Gago

Ao a etšego go tšwa Khalibari.

²⁰⁴ Go na le batho ba sa tla, ba no tšwelapele ba rapela. Bjale, bagwera, ga ke kudu go phegelela. Ke a dumela Lentšu le dira mošomo wa Lona ge Le eya ntle kua. Le se ke la nyamiša Moya wo Mokgethwa. E ka no ba sebakabotse sa mafelelo le ka tsogego la ba naso; ke a holofela ga se sona. Le tseba se e se dirago go le bona ge le amogela le phošo? E re go nna gore fao go na le selo se sengwe sa nnene fao, seo ka nnene o nyakago go se dira gabotse. Bjale feela ka okene, ka go nokologa ge le ka rata, ge ke bolela. Etlang pele, batho, e nong go tla thwi pele. Ke nyaka le tšwelepele le etla. A le tseba se batho ba ba se dirilego? Bontši bja ba ke maloko a kerek a go ngwadišwa, gomme ba a tseba ke boletše Therešo.

²⁰⁵ E sego *nna*. Go no swana le ge Moshe a ile tlase kua go botša batho ka Morena; gomme Morena, ka tlase ga Pilara yela ya Mollo, o tiišeditše Lentšu le go bontšha gore Le be le nepile. Pilara yela ya Mollo ya go swana e thwi fa le rená. Ke Kriste yo a

swanago, a dirago selo se se swanago bakeng sa lebaka la Bantle, bjalo ka ge A tshepišitše go dira.

²⁰⁶ E ntira ke dumele eng? Gore o wa mmapale ka pelong ya gago. Ke eng se se go dirilego gore o emelete ka maoto a gago? Gobane Sengwe se be se le go go dikologa, seo se rilego, “O phošo.” Bjale yoo e be e le Modimo, ka baka la gore ba bangwe ba lena ba ikwela ba nyefolega go ema mo ka mokgwa woo pele ga batho, ka morago ga go ipolela. Eupša go bontsha gore Sengwe se sa mmapale Seo se rilego, “O phošo,” gomme Se tla ka Lentšu, ka tlhatho. Ka . . .

²⁰⁷ Dimpho tše di rometšwe kerekeng bakeng sa eng? Mpho ya pele ke eng? Selo sa pele ke eng? Baapostola (e lego moromiwa), baprofeta, barutiši, badiša, baebangedi. Ba gohlegohle bakeng sa go phethagatša Kereke.

²⁰⁸ Gomme Lentšu la Morena le tla kae, go mang? Lentšu la Morena le tlide go moprofeta, ka mehla, ga se nke la botšiša. E sego mpho ya seprofeto; mpho ya seprofeto e go yo motee, gomme morago yo mongwe. Moprofeta o tswetšwe, o kgethetšwepele ke Modimo. Jesu Kriste o be a le Morwa wa Modimo, Morwa wa Modimo yo a kgethetšwegopele. Jesaya o boditše Johane, Johane Mokolobetši, mengwaga ye makgološupa le lesomepedi pele a tswalwa, o be a le “segalontšu sa yo a goelelago ka lešokeng.” Modimo o boditše Jeremia, “Pele ebole o ka bopega ka popelong ya mmago, Ke go tsebile le go go hlwekiša, le go go bea moprofeta go ditšhaba.” Gomme ge le bona baprofeta ba tšwelela, kahlolo e batametše.

²⁰⁹ Bjale, “Kahlolo e thoma ka Ntlong ya Modimo, ka batho ba Modimo.” Bjale re phošo! Re dirile phošo. Gomme ke a dumela gore bona ba ba dutšego fa bošegong bjo, bao ke Peu ya Abraham gomme ka kgontha ba kgethetšwepele go Seetša sa Modimo go phadima godimo ga yona; ge Seetša se e ratha, ba tla ema. Go ne se sengwe se swanetše go direga, o fale! Bjale le mo, a re inamišeng dihlogo tša rena gomme re ipolele diphošo tša rena.

²¹⁰ Mogwera modiradibe, ge o eme ka go sehlopha se mo, seo go nago le tše dingwe, dihlong go wena; eupša ditšhegofatšo go wena bjale, o le amogetše, o le dumetše ka pelo ya gago yohle.

²¹¹ Lena Bakriste, lena basadi ba le tsebago, ke a dumela le basadi ba go loka. Modimo a le šegofatše. Ke dumela seo. Modimo o kgona go hlagiša maikutlo a pelo ya ka go wena. Ga ke nyake go ba yo manganga go wena, kgaetšedi; ke na le mosadimogatša, le nna, le ba babedi—basettsana ba babedi ba baswa. Ke a go rata bjalo ka kgaetšedi wa ka.

²¹² Gomme, ngwanešu, ke be ke sa nyake go gobatša maikutlo a gago, eupša dinako tše dingwe go šikinyega go gonnnyane ka Lentšu go a go thusa.

²¹³ Bjale, ge re le phošo, a re boleleng gore re phošo. Gomme go na le—go na le mogau, ka bottlalo, go rena bošegong bjo. “Yo a

tla ipolelago diphošo tša gagwe, go na le kgaogelo go yena. Yo a ka utago sebe sa gagwe, a ka se tsoge a atlega.” Sebe sa gago ke eng? Gosedumele ga gago. Ge o se uta ka tlase, wa re, “Gabotse, ke no ba go loka boka ka moka ga bona.” O phošo. Gomme o ka se tsoge wa šutha bokgole go feta bjoo o bo sepelago bjale. O tla dula ka tsela yeo, o ka se tsoge wa ya bokgole bjo bo itšego go fihla o kgabaganya lepheko lela le go le lokiša. Elelwang, o ka se kgone go e dira; o tla swanelo go sepela godimo ga Lentšu la Modimo.

²¹⁴ Gomme ge feela o phela, ka mehla o tla elelwa se. Letšatši le letteleletele o phelago, o tla elelwa bošego bjo. Elelwang, ke le botša O RIALO MORENA! Ke be ke dutše ka dikgweng morago ga sekgalela se, ke rapela, O boletše le nna ka se fa, o rile, “E bolele gomme o e bitše, gomme Ke tla go direla se sengwe.” Gomme še yona.

Bjale a re rapeleng.

²¹⁵ Tate wa Magodimong, ka tlhomphokgolo le ka tlhokofalo go eme badiradibe ka go batheeletši ba gonabjale. Ba emeletše go tloga setulong sa bona gomme ba sepeletše godimo fa, feela go dira boipolelo. Go na le Bakriste ba ba tliego, ba dira boipolelo bja bona.

²¹⁶ Bokgaetšedi ba bohlokwa ba bannyane šeba bao Seetša se pekentšego go ba kgabaganya, tlasetlase ka pelong ya bona ba tsebile ba be ba le phošo, ba tsebile gore Beibele e ruta dilo tšela, gomme ba a rata bjale go e fa yohle.

²¹⁷ Banešu šeba ba eme fa, banešu ba bohlokwa, barwa ba Modimo yo a phelago, bao, ka thutotumelo le maemo a bolelo, ba seselletšego ntle ka lefaseng. Ba tla morago bošegong bjo, Tate. Ba tla morago. Bona ba, bona šeba.

²¹⁸ Bjale, Tate, re lemoga gore ge ba eme ka maoto a bona, ba robile; borasaense bohle, ba bolela gore o ka se kgone go šuthela godimo, o swareletšwe tlase. Eupša ge ba phagamišitše diatla tša bona le go sepela ka tsela ye, ba netefaditše gore go be go le Moya ka go bona wo o bego o ka kgonia go dira sephetho. Ba se diretše Kriste.

²¹⁹ Jesu, šia Mantšu a Gago Mong, gomme ke no ya go a tsopola go Wena.

²²⁰ Ke Go fa batho ba bošegong bjo, bjalo ka mohlanka wa Gago. Ke dirile feela bjalo ka ge O mpoditše go dira, lehono ka dikgweng, gomme fa e no ba tlwa se O rilego se tla direga. Gomme go ne dihlatsa tša dilo tšela, di eme fa. Go netefatša Bogona bja Gago—bja Gago, O ile go kgabaganya batheeletši, o botša batho ka gore ba be ba le bomang le moo... ba dirile, le go ya pele, go tsebeng batho, maina, le bao ba bilego le se ba se dirilego, se se fošagetšego.

²²¹ Gomme bjale O boletše ka Lentšung la Gago, gore, “Yo a tla Mpolelago pele ga batho, yena Ke tla mmolela pele ga Tate wa Ka le Barongwa ba bakgethwa. Yo a lewago ke dihlong ka Nna pele ga batho, yena Ke tla mo jelwa ke dihlong pele ga Tate wa Ka le Barongwa ba bakgethwa.” Bjale bokgaetšedi ba le banešu ba ba eme bošegong bjo ka bogoneng bja maloko a bona le badiša ba bona, le baratwa ba bona, go bolela gore—gore ga ba lewe ke hlong ka Wena, eupša ba lewa ke hlong ka tsela ye ba dirilego. Bjale ke na le nnete, Morena, gore O a ba lebalela. O e tshepišitše. O rile, “Yo a tla ipolelago dibe tša gagwe, o na le kgaogelo.” Gomme ba ipolela sona, gomme ba tla ba le kgaogelo. Gomme Wena Yo a kgonago go fodiša balwetši, le go re, “A ga go bonolo go re, ‘Dibe tša gago di lebaletšwe wena,’ bjalo ka ge go le ‘Tšea malao a gago gomme o sepele’?”

²²² Ke tteleima ba. Ke—ke tteleima yo mongwe le ye mongwe wa bona, Morena. Ke lekile go Go emela mengwaga ye yohle, le Lentšu la Gago. Gomme ba eme bošegong bjo bakeng sa Gago, gomme ke a ba tteleima. Ke ba ntšhetša ka ntle ga mehlagare ya lefase, gomme ke ba neela go Wena, Morena Jesu. Ke bona diala tša Molaetša bošegong bjo, wa Lentšu la Modimo. Ba boloke, Ramaatlakamoka Modimo, ka tlase ga Maatla a Gago a Makgethwa. A nke ba gole, a nke Seetša sa Modimo se benye godimo ka bophelong bja bona. A nke banna bale le basadi, Morena, ba thome go gola ka maat leng le maatla a Moya wo Mokgethwa. A nke se sengwe se direge seo se tla fetolago dikereke tša bona ka moka le—le boagišani ka moka moo ba lego. E fe, Morena. Ke ba neela go Wena, ke ba Gago. Ke—ke bona diala tša kopano bošegong bjo, tša Lentšu leo le rerilwego. Ke tteleima bophelo bja bona, Leineng la Jesu Kriste. Ke nyaka go kopana le bona ka lehlakoreng le lengwe, ka ge ba sa hwe, ba retologetše morago go lesogana le basadi gape, le go ba baswa le go ratega go ya go ile. Ke ba Gago, Tate. Ke diala tše Modimo a di filego Morwa wa Gagwe, Kriste Jesu, ka maatla a Bogona bja Gagwe le Lentšu la Modimo. Ke ba Gago, Tate. Ke ba neela go Wena, Leineng la Jesu Kriste; le go tteleima bophelo bjo bongwe le bjo bongwe, bophelo bjo bongwe le bjo bongwe bjo bo emego mo. Boipolelo bjo bongwe le bjo bongwe bo amogetšwe, sebe se sengwe le se sengwe se lebaletšwe.

²²³ Gomme yo mongwe le yo mongwe yo a emego mo, ke—ke—ke rapelela maatla a Moya wo Mokgethwa ka go bona, go tšwela ntle, go dira seo se lokilego, go ba thuša ka go iri ye ya leswiswi ge lefase le tletše matsaka kudu. Gomme, O Modimo, nthuše gosasa bošego, go—go e tliša go hlweka le go hlaka go bona, Morena; le go ripa go tlemologa go tšwa go matsaka a lefase le, gore ba be komana go kopana le Kriste ka nako ya go Tla ga Gagwe. E fe, Tate. Re dumela Wena bjale.

Gomme ge re sa na le dihlogo tša rena di kobilwe.

²²⁴ Yo mongwe le yo mongwe yo motee wa lena yo a emego ka maoto a lena, ga ke dumela gore le tlela go fišegelwa, gobane o tlie ka tlase ga ya makgwakgwa, theroye thata ya Ebangedi, ya go sega. Eupšao o a dumela gore Jesu o boletše gore, “Ga go motho a ka tlago go Nna ntle le ge Tate wa Ka a mo goga, gomme bohole Tate a Mphilego ba tla tla.” Bjale leo ke Lentšu la Modimo le le tiišeditšwego. O boditše Abraham, O tshepišitše le go ena go keno, gomme mo le kwele Segalontšu sa Modimo bošegong bjo gomme la tla godimo ga motheo woo. Le swanetše go lebalelwa! Gomme lena bohole le a e amogela le go dumela gore Modimo o le lebalela phošo ya lena, gomme go tloga bošegong bjo go ya pele, ka mogau wa Modimo, o tla phelela Yena bophelo bja gago ka moka, le go dira se sengwe le se sengwe seo Beibele ye e go rutago go se dira, gomme o dumela gore Modimo o go fa mogau go se dira bjale, ka go go lebalela tša kgale tša gago; phagamišetša seatla sa gago godimo, o re, “Ke e dumela ka pelo ya ka yohle.” Modimo a go šegofatše.

²²⁵ Lena bohole Bakriste ntle fale bao le ikgantšhago ka bona, le re, “Tumišang Modimo, bakeng sa bona!” [Phuthego e re, “Tumišang Modimo, bakeng sa bona!”—Mor.] A re e boleleng gape. “Tumišang Modimo, bakeng sa bona!”

Bjale a re emeng ka maoto a rena, yo mongwe le yo mongwe. Ke nyaka khote ya:

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga Khalibari.

²²⁶ A re bohole mmogo bjale, yo mongwe le yo mongwe e opeleng ka diatla tša rena godimo. Go lokile.

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

²²⁷ A ga le ikwele le pitletšwe ntle ka kgonthe? A Lentšu ga le go gohole le go go dira o ikwele bokaonana? A ga le?

²²⁸ Ga le ntumele go ba bo-bo-bo bofora, a le a dira? A le ntumela go ba Thereso? [Phuthego e re, “Amene!”—Mor.]

²²⁹ Ke šeditše thwi bjale gore Morongwa wa Morena Yo ke mo šetšago godimo ga batho, o dikologile thwi go dikologa godimo ga sehlopha se se emego thwi mo ka sebopego sa sefapano. Modimo Legodimong! Seswantšho sa go swana le se... Morongwa le mmonago godimo ga seswantšho sela, o thwi mo thwi bjale godimo ga sehlopha se sa batho, o no sepela go dikologa, ke tšwelapele ke Se šeditše, go tloga lefelong go ya lefelong. Ke a dumela, ebile, gore bolwetši bjo bongwe le bjo bongwe bjo bo emego ka lešabeng lela bo sepetše. Ke—ke e

dumela ka pelo ya ka yohle, gore sebe se sengwe le se sengwe se lebaletšwe.

²³⁰ A re nong—a re nong go šišinyana diatla seng ge re opela “Ke A Mo Rata.”

Ke . . .

E reng, “Tumišang Morena!” [Phuthego e re, “Tumišang Morena!”—Mor.]

. . . Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

²³¹ Bjale a re nong go Mo tumiša, re re, “Tumišang Morena! Ke a Go leboga, Morena Jesu.”

Re a Go leboga, Morena, go tliša batho ka gare, bakeng sa Lentšu la Gago. Le bogale boka tšoša ya magalemabedi, eupša Le hlatha dikgopolo tša pelo. Le dira kgonthe. Le bolotša lefase, nama, dilo tša lefase kgole go tloga go batho, le go ba dira dibopiwa tše mpsha ka go Kriste. Re Go leboga bjang, Tate! Re tumiša Wena ka pelo ya rena yohle. Ke a Go leboga bakeng sa bona, Morena. A nke ba tlatšwe ka Moya! A nke Moya wo Mokgethwa o no ba tšeela ka go taolo ya Gagwe, gomme a nke fao go phulege ntle tsōšeletšo ya fešene ya kgale magareng ga dikereke tše, Morena, yeo e tla no swielago ntle gohle go kgabola ditšhaba, mogohle mollo ka maatla a Modimo. Re romele pentecost ya kgonthe, Morena, maatla a kgonthe a Moya morago ka go maphelo a batho. E fe, Tate.

²³² Ke ba Gago. Ka mogau wa Modimo, ke ba Gago. Ke Peu ya Abraham, go ya ka tshepišo. E fe, Morena. Ba dumela Lentšu la Gago; eng kapa eng kgahlanong, mo o ka rego e be e se. Ba dumela Lentšu ka gobane ke Peu ya Abraham. Ke ba Gago, Tate, Kereke ye e kgethetšwegopele go phadima ka go letšatši la mafelelo. Ke a Go leboga, Tate, bakeng sa bona.

Ke a Mo rata . . .

Phagamišang diatla tša lena bjale go Mo tumišeng.

Ke . . .

Godimodimo ka maphagamong! Yeo ke nnete.

Gobane O nthatile pele
Gomme . . .



JEHOFA-JIREH 1 NST62-0705
(Jehovah-Jireh¹)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Julae 5, 1962, ka Municipal Auditorium ka Grass Valley, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org